

MOHLOLOHALI

 Le ka lula fatše. Khale ke emetse ho khutlela holimō mona Phoenix. Ke thabile ruri thapama ena ho fihla mona. Ha ke fihla Phoenix, ntho e teng ka eona, kamehla ke ikutloa ke lutse hara batho e leng metsoalle ea ka, ba nthatang. 'Me—'me bahale ba baholo ba thapelo ba nthapellang ba hlahile mona, ka lilemo. Kamehla ke hopola likōpano tsa pele tseo nkileng ka li tšoara mona le Moena Outlaw, Moena Garcia, le bareri ba motseng mona. Morena o hlile a hlohonolofatsa mehleng ea mafube a likōpano tsa ka! Ho tloha mohlang oo, Phoenix e kile ea tšoara ntho e khōlō ea . . . Ntho e lutse pelōng ea ka, e thata ho hhalosoa.

² Enere ke sa le moshanyana, ke labalabetse ho tla Phoenix kamehla. Ke ne ke balile khafetsa ka lehoatata. Ka ingolla lithotokiso ka lona, ke sa le moshanyana feela, ka Arizona.

³ Ke thabetse ho ba e—e motala joale. Ke kholoa ke batla ke qetile selemo, mohlomong ho feta-feta moo. Empa ha u fumane ba bangata ba fetang moo. Ha ke teana le mang le mang, ke re, “Na u motala?”

“Be, hakaale ka ba bangata. Khale ke lula mona.”

⁴ 'Me—'me kea kholoa ke tla tšoanelo ho nyolohela liahelong tsa ma-Apache, kapa nqa e 'ngoe, ho fumana motala oa makoma-'nete.

⁵ 'Me motho o buile, nakoana e fetileng, ha thoe, “Moena Branham, ebe Arizona u e rata joang?”

⁶ Ka re, “Be, ebile tebello e telele ea bophelo ba ka, ho—ho phela Arizona, 'me Molimo o mphile eona.”

⁷ Re mona pejana ho seboka sa Borakhoebo, e se e le tloaelo ea rōna ea selemo le selemo. 'Me thapama ena, e re re sa phuthehile mona 'mokeng o lelekelang seboka se qalang Labone bosiu, ke a kholoa. Ebile monyetla ho 'na, ho batla ho fetile—ho fetile lilemo tse 'maloa, ho tla le ho tšoara likōpano tsena mathokong, pele likōpano tsa mannte li qala mane . . . kapa seboka, ke rialo, se qala.

⁸ 'Me Moena Williams ke motsoalle ea ratehang hakaale, eéna le Khaitseli Williams. Ke hlile ke boloketse batho bao sebaka se mofuthu pelōng ea ka. Ba 'mema khafetsa ho khutla, 'me ruri re thabetse ho phethahatsa memo eo thapama ena.

⁹ 'Me kalaneng hape, ke Moena Fuller, Moena Jewel Rose, le Moena Tony Stromei ba tsoang Tucson, le Moena Borders motsamaisi oa rōna oa letšolo. Le e—e moena oa khale ea babatsehang, Arganbright, re fohlile lintoa tse ngata tse thata

'moho. Mose oane oa noka; ke shebeletse ho phela le eéna tsatsi le leng mose oa noka e khōlō.

¹⁰ Ha ke hopole lebitso la moena, ke lekile. U le mang lebitso, moena? [Moena o re, "Al Booher."—Mohl.] Booher, Moena Booher. Ke—ke tseba sefahleho sa hae. 'Me na ha u tolokele ka linako tse ling... ["Ho tolokela litholo."] ba sa utloeng. Ntho eo...

'Me re thabile haholo ho ba le lōna mona bohle.

¹¹ Ke ne ke shebile fatše mona ka pel'a ka, ke bona metsoalle ea ka e meng e tsoang Arkansas, mona. Mehengleng ea ka e qalang mona, ke le boleletse ka re hohle moo ke ileng, ke fumane motho ea tsoang Arkansas. Ke a kholoa, ha nka fihla Leholidmōng le ka mohla, ke tla fihlala ba bang mono ba tsoa Arkansas, hoba ebile batšepehi ba mannate, batho ba tšepehileng.

¹² 'Me joale, ka tloaelo ke bua halelele, empa ke lekile ka bokhoni ba ka ho hlophisa Mangolo a ka le ntlha ho se bue halelele. 'Me mehleng ea ka Phoenix ke batla ho rapella bakuli.

¹³ Joale, Molaetsa oo ke... Morena o mphile, ka linako tse ling, le a tseba, lintho tsena li batla li hlohlontša. E hlähile mongoaha o mong le o mong. 'Me ke lekile ho O tiisetra ka bokhoni ba ka bohle. Ke ntho e ikhethang. 'Me ha nka sitoa ho bolela seo Molimo o mpoleletseng sona, 'me e ne e le—e ne e se taba ea Molimo, ke moo A... e ke ke ea fumanoa Lentsoeng. Empa ha e fumanoa Lentsoeng, e le pallo ea hora ena, ke ikutloa ke etsa ho lōkileng, hoba ke leka ho boloka seo O se baletseng hora ena.

¹⁴ 'Me ke khafetsa ha u ka fapania le motho thutamolimong ea bona, ba se ba u hloboha, ka potlako. Empa ha e a tlameha. Ke leka ho... Ke fumana metsoalle ho tsoa likerekeng tsa malumeli a fapaneng, le joalo-joalo, ha ke eso hlobohle baena bao le ka mohla. Khele, ke etela likereke tsa bona, hohle moo ba ntumellang ho ea teng, le ho bua. Empa ha re a tlameha ho hlobohana, ka baka la mehopoloana.

¹⁵ Empa, le a tseba, ha ke buile letho le khahlano le se pelōng ea ka, ekabeba ke moiakaketsi. 'Me 'na—'na... Ho se be joalo! Nka tlameha ho kōpana le Oona tsatsi le leng, joaloka moetsalibe, empa ruri ha ke batle ho kōpana le Oona ke le moiakaketsi. Ke mpa ke batla ho tsepahala. 'Me haeba ke itse feela, "Be, ke tla tlolisa Sena mahlo kaha ba bang ba bona ba lumela *sena, sane*," ke motho oa mofuta mong ea joalo? Le ke ke la ntšepa, 'me nka sitoa ho tsepia Molimo kapa 'na ka sebele, ha nka qeka habonolo hakaalo.

¹⁶ Motha o tlameha ho ithuela seo a tiileng ka sona. 'Me ke mohla u ka theang tumelo ea hao, ke ha u tiile. Empa pele u tiea, potso ha e le teng, e tlohele hofihlala u tiile.

¹⁷ Joale ke kholoa Billy a ntšitse litlankana tse ling tsa thapelo, etsoe ke hopola a... Yaa, ke mo laetse joalo. 'Me kholoa a mpoleletse, nakoana e fetileng, a entse hoo. Kae-kae mono, ke tla

biletsa ba 'maloa moleng oa thapelo, ka morao ho nakoana, ho rapelloa. 'Me ha setlankana sa hao se sa bitsoa . . . Haeba—haeba se bitsoa, ke rialo, 'me u sa kholoa hobane Molimo ke mophekoli 'me O tla u folisa, ho nyolohela koano ho ke ke ha u thusa letho, hobane u ke ke oa folisoa. Uena, ha potso e le teng, u re, "Be, joale, haeba ntho e le teng bophelong ba ka, ke tlameha ho e rarolla ruri," tloha u e lōkise, pele, u nt oo khutlela moleng oa thapelo, le a bona.

¹⁸ Hobane, pholiso ke bohobe ba bana. Re elelloa seo. E kahar'a pheko, 'me pheko e sebeletsoa lisoule tsa rōna pele. 'Me haesale pholiso e lelekela molaetsa o mong le o mong, hape ebile mokhoa oa ho phutha batho 'moho. 'Me ke e . . .

¹⁹ Batho bongata ba ka tšehtsa kōpano ea pholiso, bongata bo ka etela kōpano ea pholiso, kapa mokete oa lifela, empa nqa pholoso ea soule e futsanehileng, ha se bongata bo e thahasellang. Ba mpa feela . . . Athe ke sona sehloho. Pholiso ea khalalelo le mekete ea lifela, le joalo-joalo, e mpa e le feela . . . Joalokaha Moena Bosworth a ne a tloaetse ho bua, "Ke phepheletsane ea selope." 'Me hlapi u e supisa phepheletsane, e sang selope.

²⁰ 'Me ke eona feela taba, ho ngoka batho ho mamela nakoana, hofihlela u ka ba tlisetsa molaetsa oa hao. Molimo o e entse molokong o mong le o mong, ho haola le mongoaha o mong le o mong, letšolo la pholiso esale le hlahile. 'Me haeba e le letšolo la 'nete la pholiso, ka morao ho letšolo leo, kamehla, ke molaetsa. Le ka mohla pontšo ha e hlahisetsoe ho ba pontšo feela; e lelekela moaletsa.

²¹ 'Me ke a lumela ho etsahala hona hoo, lilemong tse leshome le metso e supileng tse fetileng, kapa tse leshome le metso e robeli joale, tseo Morena a nthomileng ka tsona ho qala ho rapella bakuli. E raositse tsoseletso e khōlō har'a batho. Bahlanka ba bangata ba baholo ba Molimo ba tsoile ka matšolo a pholiso, 'me, empa letšolo la pholiso, bolona, haeba u tiisetsa temalo ea sekhaleng sa hao sa mehleng, phoso e teng, letšolo leo la pholiso ha le tsoe ho Molimo. Le tlameha ho hula maikutlo pele, le a bona, ho hula maikutlo, e nt oo ba molaetsa.

²² Jesu, mohla A tlileng, a folisa bakuli, le joalo-joalo, ho bona bohole E ne e le Moporofeta e moholo. Empa mohla A qalileng a ba bolella 'Nete, ea Evangel, hore E ne e le Mang le seo A se tletseng, eaba O—eaba O timelloa ke botumo kamorao ho moo. 'Me esale ho lutse joalo mongoaheng o mong le o mong, 'me e tla 'na e tsoella joalo.

²³ Joale re mona thapama ena, le hosane thapama re odotoriamong eona ena. Tsohle li ka hora ea bosupa. Na ho joalo, moena? [Moena o re, "Mashome a mararo ka morao ho supa."—Mohl.] Mashome a mararō ka morao ho supa, hosane thapama, kapa mantsiboea, e nt oo ba Labobeli mantsiboea. 'Me

ke a kholoa le Laborarō mantsiboea, hape. [“Che, mane Ramada Inn, Laborarō.”] Mane Ramada Inn, Laborarō. E ntoo ba Labone, ke hantle, ho qala e—e seboka. ’Me ha Morena a ratile, ke batla ho ba teng mona khabareng eo eohle.

²⁴ Ke mona, ke moena oa lōna, mothusi ’Musong oa Molimo, ho le thusa ka sohle seo nka se khonang. Ho araba potso ea lōna, nka tšoha ke sa khone. Empa, ka thapelo, re ka utloisia ha re ka e rapella ra ea ho Molimo ka eona, ’me re sa rale likakanyo tsa rōna ka sebele.

²⁵ Ha u kula, ekare nka u folisa, empa ha ho motho ea ka etsang seo. E se e entsoe. Pholiso e ho uena. Ke tumelo ea hao mesebetsing e phethiloeng eo Molimo o e entseng Kalvari, ka Jesu Kreste. ’Me kathoko ho moo, ha ho pholiso; ’me kathoko ho moo, ha ho pholoso; ha ho kereke, ha ho mokha oa bolumeli, kapa moetlo, ha ho letho le jereng pholoso. Jesu Kreste, “Athe O hlabetsoe littlolo tsa rōna, re folisitsoe ka maqeba a Hae. Athe O hlabetsoe tlolo ea rōna, littlolo,” le ntšoarele, “re folisitsoe ka maqeba a Hae,” tsohle ke lekhathle le fetileng, “re folisitsoe.” Joale, holim’ a seo!

²⁶ Ke tla bua nakoana feela, thapama ena, le lōna, nka re mashome a mabeli, metsotso e mashome a mararō, re ntoo tšoarana le mola oa thapelo. Letsatsi ka leng, ka tloaelo, ho kena batho ba bacha, ka baka leo ho tla abjoa litlankana tse ncha tsa thapelo. Empa re tla etsa hohle ho matleng a rōna, hohle hoo Molimo o tlang ho re lumella ho etsoa, ho rapella mokuli e mong le e mong ea fihlang, ea batlang ho rapelloa.

²⁷ Ha ho ka kena motho ea fofang, a eshoa, maemo a qomatsi kapa ho hong, khele, le ka bona Moena Williams, Billy Paul, le ha e le mang oa bona ho ba hlahlela phaposing, ha ba sa batle ho... Ba sa khone ho lula, ba eshoa, ba tšoanelo ho sebeletsoa hona joale, be, ba hlahleleng phaposing ke tle ke ba finyelle hang.

²⁸ Empa ho molemo ho feta, empa ha u sa kena maemong ao a qomatsi, u tla—u tla tšoara lihlomathiso tsa hao le—le litumelo tsa hao, le ho li lahlela kathoko metsotso e ’maloa feela, halelele ho lekaneng feela ho mamela seo Lengolo le se buang, e ntoo ba seo Molimo o se etsang ka seo O se tšepisitseng. ’Me taba eo e ka haha tumelo. U ke ke oa hloka ho kena moleng oa thapelo, kapa ho rapelloa ke motho. U se o folile, ha u ka e lumela feela. Le a bona? ’Me ke morero oa eona oo, ke ho le lumella, ho busetsa temoho eo, ho lōna, ea seo Jesu a le etselitseng sona.

²⁹ Ha ho hlokahale ho nyolohela mona le ho khumama, le ho rapela, ho fihlela u—ho fihlela u pholositsoe. U se o pholositsoe, empa u tlameha ho e amohela. Ha e etsoe ke thapelo ea hao. U pholosoa ke tumelo ea hao, e sang ke thapelo. Empa, “Le bolokehile ka tumelo.” Le pholiso e a tšoana. Ke kholoa bohle le utloisia seo.

³⁰ 'Me baeti ha ba le teng menyako ea rōna, re batla le tsebe seo, ha e le sebakeng sa ka, kapa sehlopha sena seo ke nang le sona, Borakhoebo ba Evangelī e Tletseng, ha re a emela mokhatlo o ikhethileng oa bolumeli. Re mpa re emela balumeli ba Bakreste mekheng eohle ea malumeli. E mong le e mong o amohetsoe. Re thabetse ho ba le lōna. U re, "Be, ke setho sa kereke e ikhethang, na nka rapelloa?" Ha u a tlameha le ho ba setho sa kereke, ha u a tlameha ho etsa letho haese ho nyolohela mona le ho lumela Molimo. Ke phetho seo u tlamehang ho se etsa. Molimo o sebetsa ho setseng hohle.

³¹ Joale, ke a—ke a . . . ke qetile Bibebe e 'ngoe, esale ke qalile matšolo a pholiso, kapa ho rapella bakuli, ke rialo. Mane Houston, Texas, ke fuoe Bibebe, lilemong tse fetileng, lilemong tse ka bang leshome le metso e robeli tse fetileng, ke Moena Kidson le sehlopha sa hae. 'Me ke qetile Bibebe eo, morao le pele, lefatše ho pota, ebole e felile ka bottlalo, maqephe a pshemoha ho eona.

³² Ke fuoe Bibebe e ncha. 'Me ntho e hlollang . . . Ha ke tumela-khoela; ke tšepa lōna batho le sa nkuke ke le tumela-khoela. Mohla ke fuoang Bibebe ena, ba kentse nthoana . . . litšoai tse peli ho eona, malente a manyenyane. Joaloka Bibebe eo nkileng ka ba le eona.

³³ Moena Kidson o mphile Bibebe ea Scofield, joale, e se hobane ke lumellana le lintlha tsa Mongh. Scofield. Joale, mohlomong bang ba lōna le etsa joalo, bang ba lōna che, empa ke batla ho le tsebisa hore ha ke nke Bibebe ea Scofield hobane ke lumela seo. Hobane, o e hlophisitse ka mokhoa oo ke . . . E ne e le e 'ngoe oa Bibebe tsa ka tsa pele, 'me ka ithuta ho e bala joalo. 'Me ke boloka Bibebe e le 'ngoe feela. Athe, holane ka fumana ea Thompson Chain, e ka be e fetisa ka molemo. Ke ne ke tla fumana mohlolithero oa ka ka potlako ho Thompson Chain Reference.

³⁴ Empa eareha ke phetla Bibebe, lelentyanya la pele ka Bibeleng ke ha le hlolla haholo, malulo a lona. E le mohla Solomone a khakolang tempele ea Molimo, 'me Khanya ea Molimo e le khōlō hakaalo, khanya ea Shekina kahar'a moaho, baprista ba ba sitoa ho sebeletsa.

³⁵ 'Me lerapo le latelang le ne le robalitsoe moo Ezra a khutlileng 'me a khakola tempele.

³⁶ Athē setšoainyana sa borarō, ke se tliselitsoe ke mohatsa ka 'me a se kentse Bibeleng, a sa tsebe, se ngotsoe lebitso la ka, le joalo-joalo, se robetse ho Mareka 11:22. O mpile a se sunya Bibeleng feela, eaba se robetse mono, ntho eo, "Ha u ka re ho thaba ena, 'sutha.'" 'Me lōna bohole le tseba mohla Lengolo leo le mphihlelang kelellong, lōna batho ba teipi, ke mohla mesamane eo ea lifate e neng e kena hantle, ho kena ho—ho . . . Ke eona hantle.

³⁷ 'Me hape mohlolo oa eona, e le nonyana eo thatohatse ea ka, maborokoane, setšoantšo se holim'a setšoai, nonyana e sefubana se sefubelu. 'Me tšomo ha e bolela, ka mohla o mong e ne e le nonyana e sootho; empa Monna o ne a eshoa, tsatsi le leng, sefapanong, ea utloela Monna eo bohloko ea rura e kena e ntse e leka ho rutla lithakhisa tseo ka bo-eona, ea ineta sefubana sohle ka Mali, haesale sefuba sa eona se le se sefubelu. Le 'na ke—ke batla ho kōpana le 'Moloki oa ka, joalo, ka Mali a Hae holim'a ka . . . sefubeng sa ka, pelōng ea ka.

³⁸ 'Me hape tšebeletso ea ka ea pele, Molaetsa oo ke tlang ho o rera ka mona, o mane Phoenix, Arizona. *Phoenix* ke ntho e ka hlhang ho se letho. Ke seo Molimo o se etsang. O nka haholetho, ho hlhisa se seng ka sona.

³⁹ 'Me Molaetsa oa ka thapama ena, o reiloe, metsotso e latelang e mashome a mararō kapa mashome a mane, "mohlolahali." 'Me ke batla ho bala Lengolo leo le . . .

⁴⁰ Lilemo tse 'maloa tse fetileng, ntho eo, ke ne ke tšoara Bibele, ke u laele ho 'neheletsa Bibele, mohla ke qalang bosebeletsi ba ka; le ho tšoara Bibele ea hao feela, 'me bongata ba lōna le mpone ke etsa hoo, ho e phetla *joalo* feela, le ho bolela, "Morena, Molaetsa ho 'na ke ofe?" Eaba e phetloa ho Joshua, khaolo ea 1, Bibele efe eo le neng le 'neha eona.

⁴¹ Eaba pono e fihla bosiu bo bong, eo le e tsebang, ka bona Bibele eo e theoha Leholumōng, 'me letsoho le nang le kholloro lepetung la letsoho, ka tsela *ena* la pholletsa litemana tsa pele tse robong tsa Joshua.

⁴² Ke hona moo ke balang, thapama ena, palong ea ka, kapa palo ea Lengolo la ka. Mohlolithero oa ka o fumanoa ho temana ea 10 le e—e . . . Ke bolela khaolo ea 10 le temana ea 12.

⁴³ Pele re phetla Bibele, ha re inamiseng lihlooho tsa rōna nakoana feela. Joale lihlooho tsa rōna li inamisitsoe le lipelō tsa rōna li inamisitsoe, ha re nahaneng sena. Ena e se be kōpano ea tloaelo feela; seo re se fumana ka linako tsohle. Re mpe re rapele Molimo, e mong le e mong oa rōna, hore ena e fetise ea tloaelo, hofihlela Sefahleho sa Molimo se tla lula le rōna se sa khaotse khabareng ea kōpano.

⁴⁴ Ntate oa Leholumōng, re leboha monyetla o babatsehang ona le o khabane ho fihla mona Phoenix thapama ena, ho phuthehela odotoriamong e khōlō ena mona, har'a batho bana. 'Me joale re mothating oa ho atamela Lentsoe. "'Me Lentsoe le ne le etsoe nama la aha har'a rōna." 'Me ho boele ho be joalo, Morena, Lentsoe le tle le etsoe nama, Le tšolohe ka kereke ea Hao le ka batho ba Hao, ho phethisa lipallo tsa hora.

⁴⁵ Re a eellooa hobane re a—re phethela nako, nako e a fela. E nyamella ho Bosafeleng. 'Me re Lebopong la Bophirima. 'Me joalokaha tsoelopele e khathile tema, Bochabela ho ea

Bophirima, le Evangelie khathile tema le eona. 'Me joale ha ho moo e ka hholang e leba teng haese Bochabela hape. E phethehile.

⁴⁶ 'Me re a rapela, Ntate oa Leholimō, ena e be hora e khōlō ho rōna bohle, re tle re utloe Sefahleho sa Moea o Halalelang, Mongoli oa Lentsoe lena, a khutlela morao moahong oa tabernakele ea nama; ho Ipontša rōna, ka teballo ea libe tsa rōna, ho tsoarela bokhopo ba rōna, le ka kholiso e reng A ke ke a hlola a balla molumeli sebe, ka kholiseho eo. Le hobane O tla boela a folisa mahloko a rōna, le ho holla e—e batho litulong tsa bakuli le ho lahla melangoana ea bakuli; le ho buselletsa pono, bao ba foufetseng; le—le katoloso ea matsatsi, ho ba bolaoang ke mafu a harolang letsoalo a kang mofetše le lefuba, le hatetseng pele, le maloetse ao lingaka tsa rōna li sitoang ho a thibela. E hole ka nqa eane, empa, Molimo, U tšeleta ka nq'ane ho tšibollo eohe ea mahlale. U tšeleta ka nq'ane ho mabaka ohle. Abela bahlanka ba Hao, thapama ena, ho bua le kutlo ea Lentsoe la Hao, ka sehloho sa: *Mohlolohali*. Hobane re e kōpa ka Lebitso la Jesu. Amen.

⁴⁷ Joale Bibeleng, Joshua khaolo ea 1, le Joshua khaolo ea 10. Khaolo ea 1 le temana ea 1.

Etse hobane Moshe mohlanka oa MORENA a timele, MORENA a bua le Joshua mora Nune, qobo ea Moshe, a re,

Moshe mohlanka oa ka o timetse; tsoha joale, 'me u tšelete Jordane ena, uena, le sechaba sena kaofela, 'me u kene lefatšeng leo Ke le neileng bona, bana ba Iseraele.

Ke le neile sebaka sefe le sefe moo le tla hata, ka bohato ba maoto a hao, joalokaha Ke boleletse Moshe.

Ho tloha lefeelleng la Lebanon ho isa nokeng e khōlō, noka ea Eupfrate, fatše lohle la Bahethe, le ho fihla . . . ka nqa bophirimatsatsi, ke eona naha ea lōna.

Ha ho motho ea tla tiea pel'a hao ka tšiu tschle tsa ho phela ha hao: Ke tla ba le uena, joalokaha Ke bile le Moshe: nke Ke ka u tlohela, le ha e le ho u lahla.

Iphe matla u etse ka senna: hoba ke uena u tlāng ruisa sechaba sena fatše leo Ke hlapanyelitseng bontata bona, ka re Ke tla ba fa lōna.

Feele o iphe matla u etse ka senna haholo, u hlokomele ho etsa ka molao oohle, oo oa ka . . . oo Moshe a u laetseng oona: u se ke oa kheloha ho ea ho le letona leha e le ho le letšeali, u tle u atlehe hohle moo u eang teng.

Buka ena ea molao e se ke ea tloha molomong oa hao; u tla o nahane motše hare le bosiu, u tle u hlokomele ho etsa ka tsohle tseo ngoliloeng teng: ke moo u tlāng atleha litsamaong ea hao, u tla iketle.

Hleka ha Ke a ka ka u laela? Ka re u iphe matla u etse ka senna; se tšohe, 'me u se ke oa tšaba: hobane MORENA Molimo oa hao o na le uena hohle moo u eang teng.

⁴⁸ [Moena Branham joale o bala Joshua 10:12-14—Mohl.]

Joshua a rapela ho MORENA mohla MORENA a neelang Baamore matsohong a bana ba Iseraele, a bua pontšeng ea bana ba Iseraele a re, Ema holim'a... Letsatsi, ema... holi'ma Gibeone; le uena, Khoeli, sekhutlong sa Ajalone.

'Me letsatsi la ema, le khoeli ea ema, hofihlela ha sechaba se iphethelitse ho lira tsa sona. Ha ke re hoo ho ngoliloe bukeng ea Jashere? Letsatsi la ema sebakeng sa leholimō, 'me ha le a ka la phakisetsa ho likela ea batla e ba letsatsi le leng.

Ha ho a ka ha eba letsatsi le joalo leha e le pele leha e le morao, leo MORENA a utloileng lentsoe la motho ka lona: hobane MORENA o ne a loanela Iseraele.

⁴⁹ Morena a ekeletse mahlohonolo a Oona palong ea Mantsoe a Oona. Joale sehlooho sa thapama ena: *Mohlolahali*.

⁵⁰ Joale, lentsoe *mohlolahali*, joalokaha ke le hlahlobile le ho ikholisa hoba—hoba ke lōkile, lentsoe *mohlolahali* le bolela, ho ea ka Webster, ho thoe ke “ntho e sa kholoeheng, feela ke ’nete.” Joale, le a tseba, re utloile maele a khaleng, ho thoe—ho thoe, “’Nete e fetisa” (kana ba e beha joang?) “e hlolla ho feta tšomo,” ’nete e joalo. Hobane, motho ha a bua ’nete, ka linako tse ling e hlolla haholo.

⁵¹ Ke tseba motsoalle oa ka, eo, holimō koana Colorado. Ba ne ba entse hlrophollo, ba tla hlahloba litšepe tsa eleke. 'Me ho e na le lihlooho tsa eleke tse mashome a mabeli le motso o le mong mohlapeng. 'Me motsoalle oa ka, eitseha, esale a tsoma motšeо mono, mohla mapolesa a fihlang. 'Me ba ne ba lefile moputso o moholo, tlhokomelo ea tlhaho, ho reka koloi ena ea lehloa, ho khutlela morao mono le ho hlahloba tšepe ea eleke. A re, “Le ne le sa tlameha ho sebelisa chelete eo eohle. Nka le bolella palo ea litšepe tsa eleke morao mono.” Ba mpa ba mo tšeha feela. Ho re, “Li kae?”

⁵² A re, “Li leshome ke metso e robong.” Ho re, “Li ne li le mashome a mabeli le motso o le mong, 'me ke bolaile tse peli tsa tsona.”

⁵³ 'Me lepolesa la mo ja litšebo. U lumeletsoe ho bolaea e le 'ngoe, u a tseba. 'Me a re, a re, “Yaa, ke a tseba u entse joalo.”

⁵⁴ “Be,” ho re, “ke sona seo ke se entseng. Lieleke li ne li le mashopeli-'ngoe, 'me ke bolaile tse peli.”

⁵⁵ Eaba lepolesa le itšehele feela la ntoo khutla. 'Me e le eona hantle, lieleke tse leshome-robong. Le a bona?

⁵⁶ A retolohela ho 'na, ho re, "U a bona, moruti, ako bolele 'neta feela, batho ba ke ke ba e lumela." Le a bona, bolela 'neta feela, ka baka leo ehlile e mohlolo ho feta tšomo.

⁵⁷ Joshua mona ke Buka, ka tšoanelo, ke Buka ea topollo, ea Testamente ea Khale. Joshua, re tla lōkela ho e nka joalo, Buka ea topollo. Hobane, eona, topollo e likarolo li peli. Topollo, hohle, e likarolo li peli. Ke ho re, eona "ho tsoa ho" le "ho kena ho." Topollo e etsoa ke likarolo tse peli, "ho tsoa ho," "ho kena ho."

⁵⁸ Moshe o tšoantšisitse molao o ba holotseng Egepeta, 'me, kanthebo, Joshua o tšoantšitse mohau o ba hlahletseng lefatšeng la pallo. Mokhoa o mong, e le oo, e—e molao le mohau e ne e le mafapa a mabeli a fapaneng a taelo ea Molimo. Joale, molao o ba ntšitse, Moshe, athe Joshua o ba kentse kahare.

⁵⁹ E boetse e bapisa taba ea letsatsi la rōna. Joale e a bapisa, leetong la bona, ba tsoa—ba tsoa Egepeta ho kena lefatšeng la pallo, le rōna re tsoile lefatšeng la Egepeta, tšenyeho, leetong la rōna ho ea Lefatšeng la pallo. "Meaho e mengata tlung ea Ntate; holane ho se joalo, Nka be ke le boleletse," Johanne 14. "Ho tsoa ho," ho ea "ho kena ho."

⁶⁰ Ke molao o re lemosang hobane re phoso, empa ke mohau o re tšoarelang. Molao ha o a rua tšepo ea—ea topollo, hobane seo . . . le ho e phethela. Ha o na mohua ho oona, hobane molao o supa hobane u moetsalibe feela, empa mohau o u bolella mokhoa oa ho tsoa teng. Molao ke lepolesa le u hlahlelang chankaneng, empa topollo ke Eo Ea lefileng molato oa hao; le "ho tsoa ho," le "ho kena ho," ka ho mohau.

⁶¹ Efese. Joale re fumana hona hoo, Testamente ea Khale, ke hopola Buka ena ea Joshua e ngomelana. Lentsoe le e tšoanelang, ekaba, Buka ea Efese ea Testamente ea Khale. Buka ea Baefese ba Testamente ea Khale, ekaba lebitso le letle ho le reella Buka ena ea Joshua, hobane ruri e tšoanela sena.

⁶² Joale re fumana Joshua a bapisa mohau, kapa poelano ea mofuta, e ka sitoang ho busa mehleng eo molao o busitseng.

⁶³ Le molaetsa ofe, o ntšetsang batho pele, ha o thulane le molaetsa o fetileng. O ke ke oa etsa seo. Le fumana bothata moo kajeno. Jesu o boletse, "Na motho a ka tšoara e—e seaparo se secha a se rokella ho sa khale? Kapa a tšela veine e ncha makukeng a khale? Li a timela. E a li phatlola." Ha li khone ho e mamella.

⁶⁴ 'Me Joshua o be a ka sitoa ho kenela tšebetso ea hae hofihlela pele Moshe a falletse. Ka baka leo mona le bona temana eo ea pele, "Moshe mohlanka oa Ka o shoele; joale ema u ise batho bana lefatšeng la pallo." Moshe, ea bapisang molao, o ne o qetile sebaka sa oona. Oona, molao o ne o qetile sebaka sa oona.

⁶⁵ Ba simolotse, ruri, ka mohau, le ho qaleng. Pele ba fuoa molao, ba ne ba fuoe mohau. Mehleng ea bona Egepeta, molao

o le sieo; ho se motho tlase mono, e le baprista ba inotši, le ba joalo, empa ba ne ba sa tšoara melao ea letho. Molao o e-so abjoe. Mohau o ba babaletse ka moporofeta. 'Me, hape, mohau o ba babaletse pheko, konyana ea sehlabelo. Re kena ho eona vekeng ena, ka sehlabelo, mali, hobane pholiso ea lōna e robetse mono. Ka baka leo mabapi... Pheko e hlahisitsoe le pele molao o fihla. Mohau o tlide pele ho molao, mehleng ea molao, le kamorao ho molao.

⁶⁶ Joshua e ne e le eo ka hona, a bapisitse mohau, a bapile le molao hantle, feela o ke ke oa sunngoa mehleng eo molao u lutseng nqalang ea oona ea tšoanelo.

⁶⁷ 'Me le kereke ea lefatše e entse hona hoo letsatsing lena la qetelo! E ile ea fihla, ea nka sebaka sa eona, empa ho fihla mohla e tla tšoanelo ho khaotsa. E tšoanelo ho etsa hoo. Baefese ba tšoanelo ho fihla, le bona, ba leeto lena, joalokaha e etsahetse maetong a mang. Baefese ba tšoanelo ho fihla, Efese, Moefese oa leeto lena. Sheba.

⁶⁸ Molao oo o sitiloe ho pholosa moetsalibe, joalokaha ke supile. O ne o ka sitoa. Ka baka leo lefatše la pallo le bapisitse letsatsi la mohau. Le a bona, o sitiloe ho ba kenya, leetong leo.

⁶⁹ 'Me haeba u eleletsoe, leetong leo, ba hatilemekhahlelo e merarō ea leeto la bona. Pele boitlhophisho ka tumelo, tlase Egepeta, tlas'a sehlabelo sa konyana. Ba ntoo tšela Leoatle le Lefubelu, ho kena e—feelleng, karohano, le neng le bapisa mokhahlelo o mong oa leeto.

⁷⁰ Hoba, tlas'a boitlhophisetso, mohla bohole ba leng malala-a-laotsoe, eitseha ba fihla e—e Leoatle le Lefubelu, tlolo ea boela ea hlaha. Batho ha ba ka ba lumela, athe ba bone tse ngata tseo Molimo o li entseng. Le joale ha ba ka ba lumela. Eaba Molimo o phetla Leoatle le Lefubelu le ho ba fetisa, etsoe re rutoa ho thoe batho bohole ba ne ba kolobeletsoe ho Moshe, tlas'a Leru le leoatle.

⁷¹ Joale ba kolobelitsoe, ho baka le ho kolobetsoa, le ho tsoa ba tsamaea ka bophelo bo bocha, lefatšeng le lecha, leetong ka bocha, hara batho ba bacha, le ka letsoho la Molimo holim'a bona. Empa qetellong ha fihloa nqalang, khatong ena ea bona, keha ba sa khotosfalla khato ena ea bona ea mohau. Ba tlameha ho fihla nthong eo ba ka iketsetsang eona.

⁷² Ke hona moo batho ba nahantan, kajeno, ka pholiso ea Khalalelo, kapa ka mosebetsi ofe oa mohau, oa Molimo, ho thoe u tlameha ho etsa letho. Uena, ha u a tlameha ho etsa letho haese ho lumela, lumela Molimo feela.

⁷³ 'Me, bao, hola ba tsoelapele feela! Ba ne ba sa fuoa tšepiso tlas'a molao. Tšepiso e entsoe pele ho molao, e sa qhoaeloa lipheloa tsa letho, "Ke le neile lefatše lena, tlohang le le kene!" Empa le pele ba finyella pallo eo, ba entse qeto e reng ba tlameha ho iketsetsa se seng.

⁷⁴ 'Me, seo, re sa ntse re fumana seo har'a batho. Re lemaletse ho ba joalo, "Re tlameha ho etsa ho hong." Re ikutloa joalo, le rōna re tlameha ho kenya seabo ho eona.

⁷⁵ U na le seabo ho eona, ke ho téla thato ea hao, menahano ea hao ka sebele, ho fetela thatong le monahanong oa Molimo o Matlaohle, 'me ke phetho. Ke ho fela. Nka pallo ea Oona feela, u se nahane letho lesele. Tsamaea ka Lona, 'me Molimo o sebetsa ho setseng hohle.

⁷⁶ Eaba ba ipatlela molao. 'Me khafetsa Molimo o u nea takatso ea pelō ea hao; O tsepisitse joalo. Empa re a fumana, mohla ba hatang khato e le 'ngoe thokoana le seo Molimo o ba tsepisitseng sona qalong, ea fetoha phatsa nameng hofihlela molao o tlositsoe, hofihlela Jesu Kreste a tlie a thakhisitsoe ho tlosa molao. Esale e le phatsa nameng.

⁷⁷ 'Me sohle seo u lekang ho iketsetsa sona, kamehla se tla sebetsa hlomphollo ea hao. Se ke ke sa u sebeletsa molemo. Lumela Molimo habonolo feela, 'me ke ho fela. Seo Molimo o se tsepisitseng, "Ke Morena Molimo oa hao Ea phekolang maloetse a hao kaofela." Le a bona? "E mong har'a lōna, ha a kula, a bitse baholo ba kerekeng." O tsepisitse, "Mesebetsi A e entseng, e tla etsoa kerekeng ea Oona."

⁷⁸ Hobaneng re tlameha ho amohela mekhatlo, le lilo tse joalo, tse eeng li hlakole ntho eo Bukeng? Le a bona, e—e fetoha phatsa nameng. 'Me mona nakong ea qetelo, re tobana le ntho eo hape, sefahleho le sefahleho, e itšetlehile ka Bamethodise, Mabaptise, Mapresbeteriene, le eng-hape, le a bona. Uena, u ke ke oa tsoelapele; u tlameha ho khutlela ho Evangelie eohle e tletseng. E etselitsoe monna eo ea tletseng, ke Molimo o tletseng O neng o etsoe nama oa aha hara rōna. 'Me re a tseba hobane lintho tseo ke 'nete.

⁷⁹ Joale ha re ka lemoha, ke hona, leetong la bona lefeelleng Israele e entse phosohali ea bona e mahlonoko teng, ho fihlela Kalvari, ke mohlang (ho Exoda 19) ba amohelang molao litulong tsa mohau. Ba ne ba fuoe mohau. Ba e-na le moporofeta. Ba fuoe—ba fuoe konyana ea sehlabeled. Ba fuoe topollo. Ba fetisitsoe Leoatleng le Lefubelu. Ba phekotsoe maloetse a bona. Ba fuoe metsi a tsoang lefikeng le teiloeng. Ba fuoe—ba fuoe manna a tsoa leholimōng. Ba babaletsoe ka sohle seo ba se hlokileng, 'me le joale ba batlile se seng.

⁸⁰ Joale eo ke papiso e phethehileng ea Baefese ba rōna kajeno, ka népo. Re tsoile tlas'a Luther; re fetile har'a khalaletso, tlas'a Methodise; le ho kena khutlisetsong, tlas'a Pentekosta. Hantle joaloka mehleng eo, leeto la lefella. Enereha Molimo o re ntša, re sebelitse hantle. Empa re entse'ng? Ra batla ho tšoana le ba bang bohle. Joale re fumana mohau e le oona feela o re fetisang, ha se moalo le ka mohla.

⁸¹ Joshua mona ke papiso ea bosebeletsi ba letsatsi la morao. Le a bona? Joale le hopole mekhahlelo e merarō eo ea leeto. Ntho eo eohle e ile ea khaotsa, pele ha tlameha ho khaotsa moalo le ntho, e le hore Joshua . . . 'Me Joshua ke lentsoe le tšoanang le Jesu, "Jehova-mopholosi," ea ba tlositseng lefeelleng la bona ho kena lefatšeng la pallo. Joale ke tseba bongata bo kakatletse . . .

⁸² 'Me ha ke batle ho latolana le baithuti, empa bongata bo kakatletse taba e reng lefatše la pallo le tšoantša Leholidō. Le ne le ke ke la tšoantša Leholidō. Le ne le ka sitoa, hobane ba kenetse lintoa, le mathata, le pherekano, le sohle, lefatšeng la pallo. Ha e tšoantše Lefatše la pallo.

⁸³ Empa le lemohe, pejana ba kena lefatše la pallo, tsohle e—e liphapang tsohle tse—tse tsohileng hara bona. Bao . . . E 'ngoe ea lintho tse khōlōhali e ne e le Kora. A sa batle boetapele bona ba monna a le mong. Dathane, le kamoo ba nyolohetseng pontšeng ea Moshe ho leka ho 'molella ho thoe "e—e molaetsa o ne o tlameha ho bolela *sena*," le ho o toloka ka ho fapano, menahano ea bona ka oona. 'Me e mong le e mong oa bona a timela! E mong le e mong!

Jesu o itse, "Ha ho le a mong oa bona haese ea timetseng."

⁸⁴ Ba itse, "Bontata rōna ba jele manna feelleng, ka lilemo tse mashome a mane," Santa Johanne 6.

Jesu o itse, "Athe e mong le e mong o shoele."

⁸⁵ *Lefu* le bolela "karohano ka Bosafeleng." Bohle ba shoele, athe ba kile ba thabela ho utloa molaetsa, athe ba kile ba thabela manna a theohileng. E seng manna a mang; manna a makhonthe!

⁸⁶ Empa mohla Balaame a tsoileng ka thuto ea hae ea bohata, le ho re, "Bohle re bang. Hobaneng re sa kōpane feela 'me ra lumellana bana ba rōna ba nyallana? Re sechaba se seholo. Re tla le holisa le rōna 'moho." Joale motho ea temoho e pala ea moea a ka bona hoo hantle esita le kajeno, ho ba nyalisa bohle 'moho. 'Me ebile sebe se sa tšoareleng. Ha se a ka sa tšoarelao Iseraele le ka mohla.

Empa eaba Joshua hlaha bakeng sa exoda.

⁸⁷ Joale re a rutoa, ho Tšenolo khaolo ea 6, ke a lumela, yaa, khaolo ea 6, ea Litiiso tse Supileng. Tse lōketseng . . . Buka e tla tiisoa ka liphiri tse supileng, kapa Litiiso tse Supileng, Tšenolo 6. 'Me letsatsing la ho qetela, Tšenolo 10, ho Tšenolo 10, re fumana Laodisea, moromuo oa ho qetela oa mongoaha oa ho qetela, 'me mehleng ea boporofeta ba hae, ho tla manolloa Litiiso tse Supileng, liphiri tse supileng, liphiri tse menahaneng hasupa tse siiloeng.

⁸⁸ Ho ile ha sala karoloana ea Lona mongoaheng o mong le o mong. Mohlabolli ha a fumana nako ea ho Le hlokomela. Matsatsing a Luther, o rerie feela ho beoa ea lōkileng ka tumelo.

Hoba a falle, ba etsa kereke. Kamorao ho mono ha latela Wesley, a rera hlatsuo. E ne e le eo. Eaba ho latela Mapentekosta.

⁸⁹ Empa re tsepisitsoe, ho latela Tšenolo 10, le ho latela Malakia 4, le Santa Luka 22:17, le joalo-joalo, hore ho tla fihla e—e Baefese ho sena. E tsepisitsoe, metsoalle. Eka khona ho fihle Baefese, liphiri tsena tsa Lentsoe la Molimo tse menahaneng hasupa li tšoanela ho phuthulloa. 'Me sena se etsahala mongoaheng oa Laodisea. Ke a lumela re a—re fihlile mono.

⁹⁰ Ke a lumela re fihlile hantle meriting ea ho Khutla ha Mora Molimo. 'Me joaloka Joshua, pejana Baefese e hlaha, le joalo Johanne Mokolobetsi o hlahile pele Moefese ea latelang. 'Me re tsepisitsoe e 'ngoe, Baefese ba bang. E lekantsoe hantle mona Lengolong, ka lebaka leo ke hopola re boetse re phela ho Baefese ba bang. Morao ho . . . Re tsepisitsoe se siiloeng mehleng ea mengoaha e supileng eo.

⁹¹ Joale u ke ke ua eketsa letho Bukeng, kapa ho tlosa letho ho Eona. Tšenolo 22:18 e rialo, "Ekare ha e mong, a eketsa lentsoe le le leng, kapa a tlosa Lentsoe le le leng, kabelo ea hae e tla tlosoa Bukeng ea Bophelo." Joale re ke ke ra eketsa kapa ra fokotsa.

⁹² Ka hona re a tseba Luther o sitiloe ho Le finyella; Wesley, le joalo-joalo, bahlabolli, Knox, Finney, Calvin, le ho theoha, le joalo, ha ba ka ba Le finyella lohle, empa ba ne ba kakatletse 'Nete ea Evangelii.

⁹³ Empa joale matsatsing a qetelo, re a utloisia, ka Lentsoe, ho thoe re tla Le utloisia, hobane ho tla fihla mongoaha oa Efese ho ona. 'Me re fihlile mona! Joale, mohlolohali! Ke tla e siea e lokotseha, hobane ke saletsoe ke metsotso e meng e ka bang leshome feela re ntso tšoarana le mola oa thapelo. Mohlolohali!

⁹⁴ Batho ba bang ba teng, ba kajeno, ba sa lumeleng mehlolo. Ba re feela ha ba "ke ke ba lumela ntho e kang mehlolo mongoaheng ona oa seojaale." Be, joale ha ke a ikemisetsa ho bua bobe bofe ka motho eo, empa ba shoele bohatsu ba moea. Bao, bao, bao ba—bao ba foufetse ka moea. Ba haelloa ke pono ea moea kapa maikutlo a semoea, ho hang. Hoba, ho se motho ea ka lulang mokhuping oa batho, moo Moea o Halalelang o tšolohang teng, leha koana ton a eo e le moetsalibe ka bottlalo, kapa tšali eo, empa ruri ba tlameha ho utloa Sefahleho sa Molimo, ha u bona Lentsoe leo O le tsepisitseng le phethisoa. O tlameha u be o shoele bohatsu; kanthebo u e bona ka mahlo a hao, e etsahala, u tlamehile u be u foufetse, ka moea, ha ke bue ka nqa ea nama. Empa u ka foufala ka nqa ea moea ruri, koana pono ea hao e ntse e hatisa mashome a mabeli-mashome a mabeling, pono ea tlhaho.

⁹⁵ Na le sa hopola Elia tlase mane—mane Dothane, mohla a tsoileng a otla lebotho leo lohle la sesole ka bofofu? Bibebe e mo tlalehile joalo. Le ho ba tataisetsa lerabeng hantle, ba sa mo tsebe

hore e ne e le mang. Feela a ntse a eme ka seemo sa hae se mo tšoanelang, le joalo-joalo, eaba o tsoela hantle ho bona. Empa ba ne ba foufetse.

⁹⁶ 'Me koana u ka ema Pontšeng ea Molimo o phelang, u ka ema tlas'a tlolo ea Moea 'me oa O bona o tsamaea, feela O sa u ame le ka letho. U ka bona seo Molimo o se buileng, ua se rereloa ka bophethehi 'me sa ntso bonahatsoa, 'me le joale ha u batle ho kena, "ha ke Le lumele," ha ho le joalo, mono, u tšetse moeli ho fumanoa. U se u shoele, u bohatsu, sefofu, ho felile. Ba ne ba le joalo ka bottlalo.

⁹⁷ Lefatše. Ke a ipotsa, haeba eéna motho eo ea sa lumeleng meeka, ke a ipotsa haeba ba khona feela lintho tse ka bang teng, tsa mannete, ke tseo tse ka kholisoang ka mahlale a saense feela? Ke a ipotsa haeba le ka fumana ramahlale ofe, kapa motho mang ea sa lumeleng meeka, ea ka ntlhalosetsang kamoo lefatše lena le emeng tšetla tselaneng ea lona. Le boloka joang nako ea lona ka bophethehi, le ntse le potoloha ek'hweita le ka mokhoa oa lona, 'me le phethahetse feela? Ha re fumane machini a letho, tšupanako, kapa ntho ea mofuta ofe, e ka tšoarang nako joalo; e tla lahla metsotso e 'maloa khoeling e 'ngoe le e 'ngoe. Empa letsatsi leo le otla nako botsekeng nako le nako. Lilemo tse like li a thetheha, ha le suthe le ka mohla; ruri, ka phethoho.

⁹⁸ Kamoo khoeli e ka khonang, athe e libilione tsa limaele hole le lefatše, e ntseng e khona ho laola leqhubu. Mpolelleng re phela mona ha letsatsi le mahlahana a lona, khoeli e khona joang ho ba le khahlamelo holim'a metsi a lefatše? Ho latela mahlale a saense, mpolelle kamoo e etsoang kateng. E ne e ke ke ea etsoa, hobane ho se mokhoa oa mahlale o ka e bolelang. Empa Molimo o laotse khoeli ho lebela leoatle. 'Me khoeli ha e qala e furalla, 'me ha lefatše le furalla, leqhubu ke lena le a kena. Empa ha e phaphama, hoseng ho latelang, e shalima nqa *ena* hape, leqhubu le khasa le boela litulong tsa lona. Ke molebeli.

"Oh," u re, "e etsoa lebopong la leoatle feela." Che.

⁹⁹ E etsahala hantle holimō mona Arizona, motšeо koana seteiting sa Kentucky, moo le chekang mokoti o tebileng fatše bohole boo le ka fumanang metsi a letsoai. Le tla fumana, ha leqhubu leo le tsoa, metsi ao a letsoai a theoha ka phaephe. 'Me ha leqhubu le kena, le oona a boela a phahama, makholo a limaele hole le lebopho la leoatle.

¹⁰⁰ Re ka rera therò ka eona. Ka mokhoa oo Molimo, ho sa tsotelehe, O lutse Khanyeng empa khahlamelo ea litaelo tsa Oona mono e sebetsa ka ho tšoana holim'a lefatše lohle le ho motho mang ea nkang tšepiso. Taelo ea Oona e a ntšoa. O laotse melao ea tlhaho, 'me—'me e—e itšebeletsa e tiile ka bo-eona, ho qala Pentekosta kapa nakong efe. Enereha Molimo o etsa tšepiso, O tla tiisetsa tšepiso eo ho sa tsotelehe malulo a batho, bohole

ba lilemo tse likete li kae. Melao ea Oona e ituletse e tšoana le ka mehla.

¹⁰¹ Ka moo peō e oelang mobung, 'me e bola, le ho boela a hlahisa bophelo. Ekare, haeba e tla hlahisa bophelo le ka mohla, ke mohla e leng sebopéhong sa eona se phethehileng. Haeba bophelo bo fela bo ahile ka ho eona, hobaneng bo sa hlahe feela? E sunye mobung, bophelo bo a raro loha. Hobaneng sohle se likileng bophelo boo, sohle se likileng jeme eo ho seng motho ea ka e fumanang, hobaneng ha ntho eohle e tšoarehang e teetseng jeme eo hare e tlameha ho shoa? Ke hore e tle e raro loha ka bophelo bo bocha. Empa sohle se e teetseng hare se tšoanelia ho shoa le ho bola, le pele e ka fupuha ka bophelo.

¹⁰² Ho a tšoana le ka motho e mong le e mong. Ha liente tsa botho li kentsoe, menahano ea botho, jeme ea Molimo ea bophelo, Moea o Halalelang, o sitoa ho sebetsa. U ke ke ua folisoa ha feela nthoana e kaa ka—ka thojana ea frakshene e saletse, e e-so bole le joale; e sa ntse e hometsoe ke lielemente tsohle tsa botho, menahano eohle ea mahlale a saense, ntho eohle ea “matsatsi a mehlolo a fetile,” ho thualo. Hoo hohle ho tlamehile, hohle, ho se shoe feela, empa ho bola, mono ho ntoo mela jeme ea Bophelo e isang bophelong bo bocha. E ka mela joalo feela.

¹⁰³ Ke ka baka leo re sa fuoeng seo re se kōpang. Re leka ho thotella, le rōna, menahano e mekana ea rōna.

¹⁰⁴ Lebaka leo kereke ea Lutherane e sitiloeng ho khatha tema ho feta moo, Mapentekosta le ba bang; hobane ba entela, ka mphi ea baithuti ba thutabomolimo, “*Sena* ha se a lokela ho ba ka tsela ena. *Sena* se baletsoe letsatsi le leng. ‘Me *Sena* se ne se baletsoe sane.’ E itulela mono. Ha e khone ho holela setšoantšong se phethehileng seo sa Kreste hofihlela Lentsoe le leng le le leng la Molimo le amohetsoe ka ho uena, u ntoo fetoha Lentsoe leo. Ho joaloka peō e keneng mobung.

¹⁰⁵ Ke batla ba ntlhalosetse Baheberu 11:3. Ramahlale e moholohali re kileng ra mo fumana, kamoo ke tsebang, e ne e le Einstein. Mona nakoana e fetileng, mane New York, keha ke mametse puo ea hae. ‘Me a ntse a bua ka makhotla a leholimō, le bohole ba oona, ‘me o kholisitse ka Bosafeleng bo leng teng. Kamoo motho, ea tsamaeang ka limaele tse milione tse ngata hakana ka hora, e ka mo nkang hakana, kapa lilemo tsa leseli tse milione ka hora, a ka nka lilemo tse ngata hakana ho fihla mono, ‘ngoe, likete tse makholo a mararō kapa ntho e kang eo, le lilemo tse likete tse makholo a mararō ho khutla. Eaba o kholisa, ka mokhoa, motho eo esale a falletse lefatšeng lilemo tse mashome a mahlano. Bosafeleng!

¹⁰⁶ ‘Me ke makhotla a manyenyane feela a leholimō, athe Molimo o a pheutse letsohong la Oona! Bibele e boletse! Eaba Einstein o lihela likhala ka sena, “Mokhoa oa motho ho hlalosa qalo ea lefatše lena o mong feela, o fumanoa ho Baheberu 11:3. ‘Re

utloisia hobane mafatše a entsoe 'moho ka Lentsoe la Molimo.'" Ke hantle haholo. Saense ha e khone le ho e ama. U ntoo itlaleha u sa lumele mohlolo? U ka etsa joalo joang?

¹⁰⁷ Ke rasaense ofe ea neng a ka hhalosa pula ea Nohe, athe lerotholi la pula le ne le e-so rothele holim'a lefatše hofihlela letsatsi leo? Empa Nohe o boletse pula e tlangu ho na! Mohla pula ea Nohe e neng e rotha, khahlano le saense eohle; maru a le sieo holimō mane, pula e-so be teng holimō le ka mohla. Ba ka kholisa pula e ne e le sieo holimō mono. Eaba Molimo o thibolla maholimō a tšolla e-e phororo e hohotseng lefatše, e ne e le mohlolohali oo; kamoo e sa e etseng mabaka ruri, e sa hhalosehe. Empa re a tseba Molimo o e entse, hobane Bibebe e boletse. 'Me re tšoere bopaki lefatšeng, kajeno, bo reng e etsahetse. Molimo o e entse. E ne e le mohlolohali.

¹⁰⁸ Mohla Molimo o nong o nka leqheku la monna, ea bitsoang Abrahama, a le lilemo li mashome a supileng le metso e mehlano; 'me mohatsa'e, mashome a tšeletseng a metso e mehlano, a fetile nako ea bophelo ka lilemo tse ngata, menophose. 'Me mohla O nong o nka monna eo o mo etsetsa tšepiso, a le lilemo tse mashome a supileng le metso e mehlano; ho mosali enoa esale a mo nyala, ho eéna—ho eéna e le morali oa ntata'e. 'Me a phetse le eéna esale ngoanana; ho ka thoe ba nyalane esale e—e kharejana ea ngoanana, athe mona o lilemo li mashome a tšeletseng le metso e mehlano. 'Me ha thoe, "U tla fuoa lesea ka mosali enoa."

¹⁰⁹ 'Me holane Abrahama a itse, "Ha ke—ke—ke lumele mehlolohlolo. Ha ke—ke khone ho e amohela feela"? E ka be e sa etsahala.

¹¹⁰ Empa, le a bona, ha u ipolela u lumela ntho efe, u tlameha ho e kenya tšebetsong. Eaba Abrahama o laeloa ho ikarohanya le ho se lumele hohle, le ho tsamaea le Molimo a inotši. 'Me sebakeng sa ho tepella, a ipha matla. 'Me mohla a leng lekholo la lilemo, 'me Sara a le mashome a robong, lesea la fihla.

¹¹¹ Abrahama a khona joang ho isa mora oa hae, motše koana leeto la matsatsi a mararō, limaele li batlile mashome a robong hole le tsoelopele efe, holim' qhooeng ea thaba eo Morena a 'montšitseng eona, ho ea nyehela mora oa hae, Isaaka? Isaaka a jere patsi a nyoloha, joalokaha re tseba, e leng papiso ea Kreste. 'Me holim'a thaba ena a tla etsa Isaaka sehlabelo, 'me hoba a phethise sohle seo Molimo o mo laetseng haese ho hlaba mora oa hae a 'molaea, 'metsong oa hae, eaba o tsomula thipa selateng 'me a phahamisa letsoho la hae ho mamela Molimo, ho fihla botsekeng! Hoba Bibebe e boletse, ha thoe, "A tseba hobane Molimo o ke ke oa etsa tšepiso O sa e boloke. 'Me o mo fumane e se e le ea ichoeletseng, ha thoe O ka mo tsosa bafung oa mo busuletsa eéna."

¹¹² 'Me ha a le mothating oa ho mamela Molimo, ka botlalo, Oa tšoara letsoho la hae ho re, "Busa letsoho la hao, Abrahama."

Eaba pheleu e tšoasitsoe feelleng, merareng, ka linaka tsa eona, qhooeng ea thaba eo, athe ho litau mono, liphiri, mafiritšoana, liphokojoe, le libata tse khōlō tse harolakang nku. 'Me a boetse a nyolohetse qhooeng ea thaba ho se metsi. Pheleu eo e fihlile joang mono? Abrahama o ile a bokella majoe ka mathoko, ho aha e—e aletare. Empa pheleu ke eo, le hona. E ne e le mohlolohali.

¹¹³ 'Me motho efe ea lumelang Molimo le ho Mo nka Lentsoeng la Oona, ho sa tsotelehe maemo, Molimo o tla phethisa mohlolohali o mong, ho boloka Lentsoe la Oona. Hoba, Abrahama a rea nqalo eo *Jehova-jire*, "Morena o Iponetse sehlabelo." O sa ntse a ka hlahisa mohlolohali. A ka e phethisa thapama ena, ha u ka Mo nka Lentsoeng la Oona feela.

¹¹⁴ Daniele, ho tsoa lemeneng—lemeneng le tletseng litau tse lapileng, monna eo o be a ka khona joang... Monna eo o be a ka khona joang, har'a sehlopha sa litau tse lapileng, a lutse lehaheng le tsona, bosiu bohole, a sa tsoa kotsi? Lengeloj la Morena, le sa bonoeng ke motho, le eme mono. E ne e le mohlolohali. Ntho e thibetseng tau eo ho mo tšoara.

¹¹⁵ Mohla bana ba Baheberu ba kenang seboping sa mollo, taba e khahlano le kutloisiso eohle ea mahlale, mongoaheng o moholo oo. Taba e neng e sa kheme le mahlale ho monna ho lahleloa seboping, sona seo, athe banna ba ba isitseng teng ba timetse, 'me ba oetse seboping ba phela nakoana seboping seo, 'me se ba lokolotse litlamo feela. Ke mohlolohali oo. E ne e sa hhalosehe, e sa kheme le mabaka, empa koana ke 'nete.

¹¹⁶ Joshua ke enoa, eo re buang ka eéna. Kamoo monna eo, monna oa tloaelo feela ea ntšitsoeng har'a e—e—e sehlopha sa litumeloana tse teiloeng ke batho, le melao le liboka, e sa bueng letho ka ho ōtla monna ka matla a ho emisa letsatsi. Empa mona, ka taelo e tsoang ho Molimo, "Ke tla u neha setša sohle se hatoang ke bohato ba maoto a hao. Ke tla ba teng." Eaba sera se a fekisoa.

¹¹⁷ Letsatsi le ne le likela. Ha marena ao a ka ipha nako ho iteanya letsatsi le hlahlamang, ruri o tla lahleheloa ke banna. Empa Joshua a tseba a hloka leseli la letsatsi. 'Me a lelala nqa letsatsi, le ho re, "Ema holim'a Gibeone. 'Me, khoeli, lopalla mono holim'a Ajalone." 'Me sebaka se batlileng se etsa letsatsi lohle, bosiu bohole, letsatsi la ema le khoeli ea lopalla mono. Ke mohlolohali oo. Monna ea tsamaeang kutlong ea Molimo a ka etsa ntho e joalo, hoba o ne a le... o ne a boetse a le kahar'a e—e Efese, kahar'a e—e Moefese ka—ka Evangel. Ehlide, e ne e le mohlolohali.

¹¹⁸ Moshe ea thupa letsohong, a tla theoha ho loela bana ba Iseraele, e ne e le mohlolohali, athe Egepeta e ne e hloailo mabotho ohle le banna bohole ba eona ba koetlisitsoe. E ne e le mohlolohali.

¹¹⁹ Tsoalo ea moroetsana e ne e le mohlolahali. Moroetsana a ka hla a khona, khahlano le kutloisiso eohle ea saense, mosali a e-so tsebe monna, a ka hlahisa ngoana; le hona e se ngoana feela, empa Emmanuel, Ea supileng hantle seo e boletseng e tla ba sona. E ne e ka etsahala joang? E ne e le mohlolahali. Hobane, Molimo o buile le moporofeta oa Oona, lilemo tse makholo pele, eaba moporofeta o mamela Lentsoe la Molimo, 'me Lentsoe la boleloa. "Me Lentsoe le ne le etsoe nama la aha har'a rōna." 'Me re lumela seo. Ruri, e ne e le mohlolahali.

¹²⁰ Kamoo A khoneng ho tsamaea holim'a metsi, e ne e le mohlolahali oo. Motha, ho latela boholo ba maoto a hao, e ke ke ea etsoa. Empa O khonne. E ne e le eng? Ha e hhalosoe, empa koana e ne e le mohlolahali. Molimo o e entse. Re a e lumela.

¹²¹ Ho fepa batho ba likete tse hlano, ka hlapi tse peli le libasekeiti tse hlano? Empa O e entse. Ho atisa e seng hlapi feela, empa hlapi e apehuoeng; e seng bohobe feela, empa bohobe bo apehuoeng. A khona joang ho fetola metsi veine? Ntho eohle ke mohlolahali!

¹²² O folisitse bakuli, bao, balepera. Etsoe, ha ba fumana letho, le kajeno, saense ha e khone, ho folisa lepera, empa Jesu o le folisitse ka Lentsoe la Hae. E ne e le mohlolahali.

¹²³ 'Me Ke oa maobane, kajeno, le kamehla. Lentsoe la Hae le sa ntse le folisa bakuli. Ke mohlolahali, ruri.

¹²⁴ O tsositse bafu, hoba bophelo bo felang bo tsoe ho bona; Lazaro, mosali oa Naine, le morali oa Jairuse. O tsositse bafu, ka Lentsoe la Hae, hobane Ke Lentsoe.

¹²⁵ 'Me ntho e 'ngoe e khōlō, ho koaleng, ho supa E ne e le Messia. Ho supa seo A neng a le sona, O ne a tlamehe ho tla ka taolo, le ho arabela, Lentsoe. 'Me Lentsoe le boletse, mohla A buileng le moporofeta, "Morena Molimo oa lōna o tla le hlahisetsa Moporofeta ea joaloka 'na."

¹²⁶ Ho hlahile banna ba bangata. 'Me ho bile, makholo le makholo a lilemo, ba hlokile moporofeta. Oh, ba fuoe baprista le banna ba baholo, 'me ha re bala nalane lipakeng tsa nako ea Malakia le Mattheu, lilemo tse makholo a mane, ho hlahile banna ba baholo. Empa ho se moporofeta.

¹²⁷ 'Me mohla A fihlileng temeng, ho kholisa hobane E ne e le Baefese eo e bonahalitsoeng, Johanne o e tsebisitse. Empa Jesu e ne e le Seo, E ne e le Lentsoe le bonahalitsoeng, ka Sebele.

¹²⁸ Petrose o tlide ho Eéna tsatsi le leng, a e-na le Andrease, lebitso la hae e le Simone. 'Me Jesu a eme mono, a e-so bone monna bophelong ba Hae, (sekeheng tsebe) eare A sa eme mono a shebile monna, le ho re, "Lebitso la hao u Simone, 'me u mora Jonase." Ke mohlolahali. Ehlide bo. Ruri e ne e le mohlolahali.

¹²⁹ 'Me mohla Filipi, a emeng mono, a utloa sena 'me a tsebile boitsebiso bohole boo hore enoa e ne e le Messia, a khotsoe. O e

lumetse. A sa shoa bohatsu, a sa foufala. A matha a potela ka lebopo, limaele tse 'maloa, a lata motsoalle oa hae, ea bitsoang Nathanaele. 'Me mohla a nyolohileng . . . Tumelo ea monna eo, e khonneng ho tlisa e mong kōpanong, ho bona!

¹³⁰ Mohla a nyolohang a fihla pel'a Jesu, Jesu o boletse, "Bonang, Moiseraele ke eo, ho seng mano ho eéna."

¹³¹ Taba eo ea hlolla monna. A re, "Ebe U ntsebella kae?" Joale sheba, taba ena ha e kheme le mabaka. Ha e—e hhalosehe. O itse, "Ebe U ntsebella kae?"

¹³² Ho re, "Le pele Filipi a u bitsa, u sa le tlas'a sefate, Ke u bone." Mohlolohali!

¹³³ Eaba O hloka, ho feta ka la Samaria. 'Me ha A feta Samaria, motseng oa Sikare, eaba O lutse kantle mono a emetse barutuo ba Hae ho kena ba tsoa reka lijo. 'Me, lemohang, mosali a tsoela selibeng, a nyehlide mekhao. 'Me O itse ho eéna, "Mosali, Mphe metsi, kapa Ntlisetse metsi."

¹³⁴ 'Me a re, "Ha se tšoanelo ha U kōpa tse joalo. Rōna re a, ke Mojuda . . . kapa Mosamaria, athe U Mojuda. Ha re na—ha re sebelisane le Lōna."

¹³⁵ O itse, "Empa holane u tsebile u buisana le Mang!" Sheba mohlolohali ona o mothating oa ho etsahala. Le se ke la e fosa. Ho re, "Ho ea—ho ea kang ha u etsa joalo, u bolela sena? 'Na, 'na ke mosali oa Mosamaria, athe Uena u Mojuda. Re a khethollana."

¹³⁶ O itse, "Empa holane u tsebile eo u buisanang le Eéna, kapa Ea buisanang le uena, u—u ne u tla kōpa metsi ho 'Na." 'Me A tsoelapele ho fihlela A sibolotse bothata ba hae. 'Me A re, "Ea lata monna oa hao le tle koano."

'Me o itse, "Ha ke na monna."

¹³⁷ A re, "Ke 'nete eo. Ha u na monna, hoba u bile le ba bahlano, le eo u phelang le eéna joale ha se monna oa hao. Ka hona, u boletse 'nete."

¹³⁸ A re, "Monghali, ke a lemoha hobane U moporofeta." Ba getetse ho bona e mong lilemo tse makholo. Ho re, "Re a tseba e—e Messia o a tla, 'me, mohla A ttileng, O tla re bolella lintho tsena."

A re, "Ke Eéna."

¹³⁹ [Sekheo lebanteng—Mohl.] E ne e le mohlolohali o bonahalitsoeng, 'me o fihleloa e le 'Nete ea Evangeli; Evangeli e tsepisitseng sena, 'me ke ena e etsahetse e suptjoa seo e neng e le sona.

¹⁴⁰ Joale mona e reng ke le nehe mohlolohali o mahetla, motsotso feela. Ho Johanne 14:12, Jesu o itse, ho tšepisa seo, "Molumeli ea lumelang ho Eéna, o tla etsa mesebetsi e tšoanang" Na ho joalo? Molimo, O etsang molao kapa tšepiso, o tšoanelo ho boloka tšepiso eo, e tle e be Molimo. O a e boloka. Ho nahana,

oono Molimo . . . Khele, Ke mohlolohali, ka Boona; ho Molimo, O etsang tsepiso 'me o ke ke oa roba tsepiso eo, ho fana ka tsepiso ea lintho tseo O li entseng, ho batho ba Hae, ho etsahala ho haola le mongoaha hofihlela A khutlile hape. "E-eang ka lefatše lohle, le bolelle 'mopuoa e mong le e mong Evangel; 'mopuoa e mong le e mong, lefatšeng lohle. Ea lumelang a kolobetsoa o tla bolokeha, 'me ea sa lumeleng o tla tsuoa; 'me mehlolo ena e tla teela ba lumelang hare." O tlameha ho boloka Lentsoe leo. 'Me erekaha A e buile, e tsoile molomong oa Hae, e tlameha ho phethahatsoa.

¹⁴¹ Lengolo lohle le tlameha ho phethahatsoa. Ka hona ke mohlolohali, ka boona, ho utloa Jesu, Mora oa Molimo, a hlahisa polelo e joaloka eo, "Lintho tseo Ke li etsang le lona le tla li etsa." Joale Bibele e boletse, ho Baheberu 13:8, "Ke oa maobane, kajeno, le kamehla." Ke mohlolohali oo, hobane e tlameha ho phethahatsoa. "Maholimō le lefatsi li tla feta, empa ha ho Lentsoe le leng leo Ke le buileng le tlang ho hloleha le ka mohla," O boletse. Le tlameha ho etsahatsoa.

¹⁴² Joale, metsoalle, ke a lumela ke Oa maobane, kajeno, le kamehla. Ke lumela A le bokhoni hakaalo thapama ena ho hlahisa, ka moahong ona, mohlolohali, hobane O e tsepisitse ho etsahala.

¹⁴³ 'Me ke hakakang A tsepisitseng, 'me e lebisitse Bibeleng hakakang, ho mongoaha ona oo re phelang ho ona, Baefese hape, ea mengoaha ea kereke. Re na le mengoaha e supileng ea kereke, 'me re tsepisoa Mongoaha oa Kereke ea Laodisea ho tla hlaha Efese e 'ngoe. Ke hantle. 'Me re fihlile mona. Ke a lumela, ka pelō eohle ea ka, hore Jesu Kreste Ea entseng tsepiso . . .

¹⁴⁴ Joalokaha ke buile molaetseng oa ka oa ho qetela, ke eme hantle mona pel'a lebota leo, ke tlike koano liveke tse 'maloa tse fetileng. Nako le nako ha u sisinya monoana oa hao, ketso eo e potoloha le ho potoloha lefatše, ha e khaotse le ka mohla. Khato e 'ngoe le e 'ngoe ea hao, u tla e bona Kahololong. Thelebishene e paka hoba seo se teng mona, daemenshene ea bone. Ehlide, ha se thelebishene e iqapelang setšoantšo seo, e se sunya leqhubu leo mocheng oa chupung eo, u ntso bona setšoantšo. 'Mala, ntho e 'ngoe le e 'ngoe, thepa efe e sisinyehang e etsahalang lefatšeng, e ntse e likoloha hantle mona joale, e hatisa rekoto. Letsatsi le leng, rekoto ea hao e tla koaloa, 'me o tla ikarabela ka rekoto eo. Ke hantle.

¹⁴⁵ Molimo, ha nke ke bopelloe hakaale, ke ichoelle hakaale le linthong tse nteetseng hare, ke mpe ke lemohe Lentsoe la Molimo le phelang har'a rōna kajeno!

Ha re rapeleng.

¹⁴⁶ Morena Jesu, U mohlolohali, mohla Molimo o nong o etsoa nama. Ke a rapela, Ntate oa Lehelimō, U tle u Iponahatse thapama ena, ho re kholisa mona kajeno. E seng ho kholisa rōna feela . . . Ke a kholoa, ho fumanoa, lipheresente tse mashome a

robong, kapa ho feta, ea batho ba lutseng mona, ba lumelang seo, Lentsoe le leng le le leng. Empa e le hore re U bone hape, le ho tsebisoa hobane Lentsoe lena leo U le buileng, le sa ntseng le likoloha le ho likoloha lefatše, joaloka rekoto feela, re ke re kene rekotong eo, kajeno, Morena. Re lumelle ho kena kahare 'me re se ke ra le utloa eka hojane le tla khetlo la bobeli, le tsoa molomong oa motho; empa e re molomo oo, le motho le batho, bohole ba lutseng mona, ba fetohé Lentsoe la Hao. Re ikemiselitse ho shoa, Morena, nqa menahano ea rōna ka sebele, re tle re U bone feela u boloka tsepiso ea Hao, "Lintho tseo Ke li etsang le lōna le tla li etsa." Ke U rapela ho aba sena ka Lebitso la Jesu. Amen.

¹⁴⁷ Pejana feela re memela mola oa thapelo. Tsatsi le leng ha ke ntse ke ejá lebejanapo, le motsoalle oa ka oa khale oa ngaka. O itse, "Ke batla ho u botsa taba, Billy."

Ka re, "Ho lokile."

¹⁴⁸ Ho re, "Na u lumela ho . . ." Eaba ke okha mohopoloo ona teng, *mohlolohali*. Ho re, "Na u lumela ho mohlolohali?"

Ka re, "Ehlile."

¹⁴⁹ A re, "Ke—ke u tseba u le joalo." A bua, a mpolella ka motho ea itseng ea folisitoeng, a ile a rapelloa; esale a mo rekisetsa lithethefatsi tsa sethoathoa, ka lilemo, khetlo le leng se ba hlasele hasupa kapa harobeli ka letsatsi; meriana e matla. 'Me a re, "Ha ba hlola ba khutile ho batla e meng. 'Me ke ba bona ka linako tsohle; ha se a hlola se ba tšoere." Ho re, "Ke batla ho u bolella taba, e le ho u tsebisa feela hobane ke—ke lumela seo u buang ka sona."

¹⁵⁰ A re, "Mehleng ea khatello ea moruo, mora oa ka mona joale o ne a le koana setorong." Ho re, "O ne a—o ne a emetse mothaka ea batlang a le mocha, a bolela feela a . . . Ba ne ba eme tlase moleng, ba emetse moriana." Le ho re, "Eaba mona ho nyoloha monna, eéna le mohatsa'e," ho re, "mosajana, o ne a . . . U ka mo sheba 'me oa 'mona hore u mothathing oa ho beleha nako efe feela, ngoana." Le ho re, "A sa khone ho ema moleng hape, eaba o—o kenya mohatsa'e monyako, a itšetlehileng lehetleng la hae feela."

¹⁵¹ Le ho re, "Moshanyana oa ka a nyoloha, ho re, 'Na nka u thusa?' Ho re, 'E,' ho re, 'lengolo la motsoako oa ngaka ke lena. Empa,' ho re, 'Ke batla ho u hlakisetsa eona.' Ho re, 'Ke . . . ha re e-so thole chelete.' Ho re, 'Re tla e thola ho lebatooa, empa mohatsa'ka ha a sa khona ho mamella. Ngaka e mo laetse ho thola moriana hang.' Le ho re, 'Ha u ka mo nea moriana feela, ke tla ea hantle koo 'me ke eme moleng hofihlela ke—ke thola chelete lebatooeng.'

¹⁵² "'Me moshanyana a re, 'Monghali, ke masoabi.' Ho re, 'Ha se molao oa rona—oa rona mona, ho ntša moriana kantle ho chelete.' U a tseba na mehla eo e ne e le joang. Le ho re, 'Ke—ke a mo gnehela, empa nke ke ka khona.'"

¹⁵³ Ho re, “Ke ne ke lutse motšeо ke bala koranta. Eaba ke phahamisa hlooho, ‘me,’ ho re, “ntho e mohlolо ea futhumatsa pelō ea ka ho hlollang.” Ho re, “Ka nyoloha, ka re, ‘Bea butle motsotsо, mora, bea butle motsotsо.’ Monna a qala a tsoa monyako, a re, ‘Be, ho lōkile, mora,’ a qala a tsoa monyako.” Le ho re, “Ka re, ‘Motsotsо feela,’ ho re, ‘bothata e ne e le bofe?’ A re, ‘Be, monna enoa . . .’ A mo hlalosetsa eona.”

¹⁵⁴ A re, “E re ke bone motsoako oa lihlare.” Ho re, ‘Bea butle motsotsо, mora, ke tla u tlela moriana.’”

¹⁵⁵ Ho re, “Ka khutla ka ritela motsoako oa ngaka pampiring ea hae.” ‘Me ka re, “Ka nyolohela mono, ‘me ke tšoere chelete eo.’” Ho re, “Mo nehe ona, ke sa tsebe haeba ke tla e thola kapa che, ka mpa ka hopola ho etsa joalo.” Ho re, “Ka ikutloa ke batla ho etsa joalo feela.” Le ho re, “Billy, eitseha ke beha moriana oo—oo letsohong la mosali eo,” ho re, “e ne e le Morena Jesu.” Ho re, “Ka bona Monna a eme mono.” ‘Me a re, “Hamorao ka bala, hore Lengolo le boletse, ‘Seo le se etsang bana bana, ba banyenyane ba Ka, le se entse ho ‘Na.’” A re, “Billy, ho ne ho etsahetse’ng ka mahlo a ka? Na ke hlile ke e bone?”

¹⁵⁶ Ka re, “E, monghali. Ke a e lumela. Ke a lumela u phethile kabelо ea hao hakaale joaloka ramethokho, mehleng ea qomatsi eo ea tlhoko. Jesu o itse, ‘Seo le se entseng ba bang bana, le se entse ho ‘Na.’ Ke a e lumela.”

¹⁵⁷ ‘Me ke lumela hona hoo kajeno, hantle mona joale ‘moho le batho bana, hore Jesu Kreste a ka Iponahatsa, ho Iketsa Lentsoe le entsoeng nama har’а rōna thapama ena. Na le tla e lumela? [Phutheho e re, “Amen.”—Mohl.] Morena a le hlohonolofatse.

¹⁵⁸ Joale re tla bitsa litlankana tsa thapello, batho ba tle. ‘Me re ke ke ra tšoarana le ba bangata haholo, hobane ha ke nahana joale, haeba ke shebile tšupanako hantle, ke saletsoe ke metsotsо e mashome a mabeli le metso e mehlano pele re koala feela ka hora ea bone, ka nako, empa re tla tsoelapele. Joale ha re qaleng ka setlankana sa thapello, ke a kholoa e ne e le A. Na e ne e le sona? A, ha re qaleng ho A, ‘ngoe.

¹⁵⁹ Ke mang ea tšoereng setlankana sa thapello sa A, ‘ngoe? Ho le bitsa feela a le mong ka nako, e tle re ha u holofetse re u jare. Ke hantle. Setlankana sa thapello A, ‘ngoe. Ke mang ea se tšoereng, phahamisa letsoho la hao, nqa e ‘ngoe ka moahong? Setlankana, motšeо koana ka morao. Na u ka tla, leleliti, ha u khona. ‘Ngoe, peli, ke mang ea tšoereng setlankana sa thapello sa peli? A, peli, na u ka phahamisa letsoho la hao haeba u . . . Na u khona ho tsamaea? Ke hantle, tloo ka mona hantle, fetela lehlakoreng lena. Tharō. Ha u ka phahamisa letsoho la hao hang, nka—nka u fihlela, re ke ke ra tlameha ho ema halelele. Setlankana sa thapello sa tharō, na u ka phahamisa letsoho la hao. Ke hantle, ke monna tlase mane. Ke hantle, tloo ka mona, monghali.

¹⁶⁰ Setlankana sa thapelo sa palo ea 'ne, na u ka phahamisa letsoho la hao ka potlako joale, ka potlako eo u ka e khonang. Setlankana sa thapelo sa palo ea 'ne. Ke hantle. Palo ea hlano. Ke sa bitsa feela, uena ueme, palo ea hlano. Ke hantle. Palo ea tševela, palo ea supa, palo ea robeli, palo ea robong, leshome—leshome. Joale, 'ngoe, peli, tharō, 'ne... Leshome, ke hantle. Leshome-'ngoe, leshome-peli, leshome-tharō, leshome-'ne. Na u ne u etla, monghali, leshome-'ne? Ke hantle. Leshome-'ne, leshome-hlano. Be, hoo, ho tla... Ho lekane bakeng sa joale, ho tla lekana bakeng sa thapama ena, hobane ha re na nako e ngata haholo.

¹⁶¹ Joale shebang. Ke batla le mphe maikutlo a lōna a sa arohanang. Joale, Jesu o entse tsepiso ena, ho itsoe, "Ho se ho se hokae, 'me lefatše ha le sa tla Mpona, empa lōna le tla Mpona." Na le lumela seo? [Phutheho e re, "Amen."—Mohl.] "Lefatše," lefatše, ke "mokhoa oa lefatše." Le a bona, seo, O ba tsebile ba tla sala lifeshene le lintho morao. "Empa ha ba sa tla Mpona, empa lōna le tla Mpona." Hoba O tsepisite, "Ke tla ba le lōna, ho isa bofelong ba lefatše." Na ho joalo? ["Amen."] "Me Bibele e boletse, Baheberu 13:8, "Ke Oa maobane, kajeno, le kamehla." Na le lumela seo? ["Amen."] Eo ke tsepiso.

¹⁶² Joale, ha u a tlameha ho nyolohela holimō koano, ho folisoa. Seo u tlamehang ho se etsa feela ke ho lumela hore Lentsoe leo ke 'Nete. Joale ke tla le kōpa, ka kōpo, ho apara tsabo le ho ikhutsetsa nakoana.

¹⁶³ Na bohole ba kene, Billy? Ho haella ba babeli, ba bararō kantle? Ho thoeng? [Moena e mong o re, "Ba bararō hape."—Mohl.] Ba bararō hape? Palo ea tharo, setlankana sa thapelo sa palo ea tharō. Ke eng, ho joang, lentsoe la Meksiko la tharō ke lefe, tharō? Motho mang ea ka le bolelang? [Motho e mong o re, "tres."] Ke hantle, ruri ba e utloile. Eng, seo, mang feela ea tšoereng setlankana seo sa thapelo, kena moleng, ka kōpo hle? Oh, yaa. Oh, ke a kholoa motho o ne a se tšoere, 'me a sa tsebe, ba checheletse morao. Ho lōkile. Joale, joale ho ka thoeng ka...

¹⁶⁴ Na e mong le e mong o lumela joale ka sohle sa hao—sohle sa pelō ea hao? Be, ha re rapeleng hape ke hona.

¹⁶⁵ Morena Jesu, joale re itemoha re ka khona ho bala Lentsoe, ka bokhoni ba tsebo ea rōna, ho Le hhalosa. Empa, Morena, ke Uena feela Ea ka Le thasisetsang. Ke Uena feela Ea ka bolelang haeba Le lōkile kapa le le phoso. 'Me, Ntate, ke U rapela kajeno ho lumella mahlo a batho ho tutuboloha. Re ke re bone mohlolohali thapama ena, feela, Morena, ho lekaneng ho bontša batho hobane U teng, ha U—ea leng sieo, hore Lentsoe la Hao ke la maobane, kajeno, le kamehla. Hoba, U Lentsoe leo. Molemong oa bakuli, Morena, molemong oa ba mahlomoleng; ekaba bongata mona bo tsoa libakeng tse fapaneng tsa na, na,

libaka tsa sechaba, ba tšoanetse...ba sotlehile hakaale, ha ba natefeloa ke likōpano, ka mantsoe a mang, haeba ba sa folisoa. Ke U rapela ho ba folisa. Aba sena, Morena. 'Me joale re batho ba nama feela, 'me re ka rera Lentsoe feela ra bolela seo U se boletseng e le 'Nete, joale ke Uena Ea ka e netefatsang. Ke U rapela ho e aba, ka Lebitso la Jesu. Amen.

¹⁶⁶ Joale nka rata maikutlo a lōna a sa arohanang, nakoana feela, 'me ha motho a ka lula metsotso e 'maloa feela joale. Joale, ho latéla tsebo ea ka, ehlile, ha ke tsebe mang eo nka 'monang ka—ka moahong, eo ke mo tsebang kantle mane. Joale, ha u a tlameha ho fihla mona ho folisoa, mang le mang o tseba seo. Le a bona?

¹⁶⁷ Mosali e monyenyan, khetlo le leng, o ne a sa khone ho fumana setlankana sa thapelo, re ka rialo, eaba o ama seaparo sa Hae. 'Me A retoloha a sheba, le ho re, "Ke amiloe le mang?" 'Me bohle ba itatolo. Eaba O a qamaka a bona mosajana enoa. A ke ke a ipata, hoba, le a bona, Moea oa Molimo, o nong o lutse holim'a Hae, o Mo tsamaisitse. E ne e le Lentsoe. 'Me Oa mo toba hantle, 'me A 'molella hoba bothata ba hae e ne e le bofe. O ne a tšoeroe ke phallo ea mali, 'me a folile. O e lumetse. 'Me hang, 'meleng oa hae, a utloa phallo ea mali e khaolitse, (na ho joalo?) e emisitse hantle mono.

¹⁶⁸ Joale O itšoanelia feela kajeno. Ha u a tlameha ho fihla mona. Joale, Bibele e boletse ho Testamente e Ncha joale, ho thoe, "Jesu Kreste ke Moprista e Moholo oa rōna." Na re lumela seo? [Phutheho e re, "Amen."—Mohl.] Moprista ea Moholo a inotsi oa rōna, Moemeli a le mong oa rōna lipakeng tsa Molimo le motho, ke Monna eo, Kreste Jesu. Na le lumela seo? ["Amen."] 'Me Bibele e boletse, "Ke Moprista e Moholo ea ke keng a sitoa ho angoa ke maikutlo a mahlomola a rōna." Na ho joalo? ["Amen."] Ba bakae ba tsebang seo e le 'nete? Phahamisa letsoho la hao ba tle ba... . Ke hantle. Ha ke har'a batho basele, holim'a Lentsoe lena.

¹⁶⁹ Joale A ka itšoara joang ha u ka Mo ama? A ka itšoara joalokaha A entse mehleng ea Hae mona, hobane Ke oa maobane, kajeno, le kamehla. Na ho joalo? [Phutheho e re, "Amen."—Mohl.]

¹⁷⁰ Joale le lumele feela. U mpe u re feela, "Joale, Morena, nkile ka kenela likōpano, empa ke tla lumela feela, kajeno. Ha nka ke—ha nka ke ka hopola letho ka ho 'na. Ke tla lumela feela ka pelō eohle ea ka, hore U teng mona. 'Me ke na le tlhoko, 'me U mpe feela... U nthuse, Morena." Le a bona? Joale le etse seo. Le se ke la ferekana; haese—haese botšepehi bo khutsitseng feela.

¹⁷¹ Neo ea tumelo ha se ntho eo u e tšoarang feela u etsa se seng ka eona. Neo ea tumelo ke ho itšuthisa tseleng feela. Neo ke ho itšuthisa tseleng.

¹⁷² Joale mona ho eme mosali. Molimo Ntate o a tseba, ho latéla tsebo ea ka, ha ke e-so bone mosali bophelong ba ka. Ke molata

ka botlalo ho 'na. Empa, 'me ha ke bone batho ba babeli kapa ba bararō kantle mane, ke etsa joalo.

¹⁷³ Ke a kholoa enoa ea lutseng mona ke Mof. Vayle, mohats'a Moena Lee. Ha ke na bonneta. Hape ke tseba bashanyana ba bararō bana kapa ba bane ba lutseng hantle mona. Ho latela tsebo ea ka, ke phetho bao ke ba bonang kōpanong nakong ea joale, bao ke ba tsebang. Ke a lumela eo ke Moena Anthony Milano ea lutseng mane, ho tsoa New York. Moena Pat Tyler ho tsoa Kentucky. Kantle ho moo . . . Ketseba Fred Sothmann o teng mono nqa e 'ngoe, ke mo utloile a hooeletsa "amen" nakoana e fetileng. Seo, e batla e le phetho, 'me Ntate oa Leholumō o tseba seo.

¹⁷⁴ 'Me mosali enoa ea emeng mona, 'me ha ke e-so 'mone. Ha ke na le mohopolo oa morero oa hae mona. Ke mosali ea nyolohetseng mona kalaneng feela, joalokaha le lōna le lutse kantle mono.

¹⁷⁵ Joale, haeba mosali enoa a hloka, be, ke moo nka—nka, hola nka mo thusa, ruri nka—nka etsa joalo. Empa joale ke—ke . . . E itšetlehile holim'a seo a se hlokang. Holane e le chelete, nka—nka nkototsa didolara tse hlano kapa tse leshome. Kantle ho moo, ha ke tsebe, le a bona, kapa nka mo romella cheke ka poso, ho fihlela ke lefshoa khoeli e tlāng. Empa joale haeba a aperoe ke mathata a lelapa teng? Nka re, "E-ea lata monna oa hao, re rerisane 'moho, mohlomong nka u thusa. 'Ha ke na mokhoa oa ho khutlela lapeng?' Be, ke tla kōpa motho ho u palamisa, a u ise hae, ea fetang ka la haeno. U lula tlase seterateng sefe mona?" Kapa e ka bang eng, ha ke tsebe. Empa haeba e le maloetse, teng ha ke—ke tsebe. Le a bona? Empa ha ke tsebe mosali eo.

¹⁷⁶ Empa e Mong o teng mona, Lentsoe lena, le tsepisitseng, "Lintho tseo Ke li etsang le lōna le tla li etsa."

¹⁷⁷ Joale, mohlomong, ho ka thoeng haeba mosali enoa a kula, mohlomong o tšoeroe ke mofetše, mohlomong o tšoeroe ke TB, 'me, kapa selo seo moriana o sitoang ho se thusa hona—hona bohatong bona? Be, joale, nka sitoa mono, ha ho mokhoa ho 'na ho folisa mosali eo.

¹⁷⁸ Empa joale haeba A ntšenolela seo a se batlang, joalokaha A sebelitse mosali ea selibeng, kapa joalokaha A boleletse Nathanaele, kapa—kapa ho bolella Simone lebitso la hae. Ho re, "Lebitso la hao u Simone. U mora oa Jonase. Ho qala joale u tla bitsoa Petrose, e leng ho re 'lejoana.'"

¹⁷⁹ Be, joale, haeba A ka etsa ntho e joalo pontšeng ea lōna bohole, hoo ho supa hobane Lentsoe leo e le 'Nete. Joale, ba tlāng ho lumela seo ba bakae? [Phutheho e re, "Amen."—Mohl.] O teng motho ea tsebang mosali mona, phahamisa letsoho la hao, batho bafe ka moahong? Yaa, ba bangata ba lōna ba mo tseba. Ke hantle. 'Me Ntate o ntseba ke sa mo tsebe. Be, joale, ha re boneng seo A tlāng ho se bua. 'Me seo, na e tla ba mohlolohali

oo? [“Amen.”] Ha ke tsebe se phoso ka eéna. Ha ke tsebe morero oa hae mona, kapa le letho ka eéna. Empa Molimo o tseba seo.

¹⁸⁰ Ke tla buisana le mosali. Joale enoa ke motho oa pele eo nkileng ka mo emisa pel'a ka, likhoeli li batla li le tharō. Joale ke batla ho qoqa le leleiti feela, nakoana feela. ’Me seo ke’ng? Ho holehana le seperete sa hae. Joalokaha Jesu a entse ho mosali selibeng, ho holehana le seperete sa hae.

¹⁸¹ Joale, haeba Morena Jesu, leleiti, a ka ntšenolela bothata ba hao, kapa morero oa hao mona, kapa ntho e mabapi, u tsebang ke sa tsebe letho ka eona, kapa ntho ea mohlahloe oo, na u tla lumela hobane e ne e le Eéna? E tla tlameha e be e le Eéna, ha e joalo? [Khaitseli o re, “E.”—Mohl.] E tlameha e be e le Eéna. Haeba A ka e phethisa, bohole re tla leboha haele moo re tseba hobane re . . . Lentsoe la Oona le lōkile, ke moo re ka behang tšepo ea rōna teng.

¹⁸² Joale, ha A ka senola bothata ba hao, ho ’na, athe ’na ha ke u tsebe, etsoe u tseba seo; empa joale ha A ka ntšenolela bothata ba hao, kapa ntho e amanang le uena, hoo ho supa Moea o le teng mona, nqa e ’ngoe, o u tsebang, ’me uena u ntseba ke sa khone. Ka baka leo e ke ke ea e-ba motho, e tla be e le Moea. ’Me ke seo Molimo o se tšepisitseng nakong ena ea Efese. Na u a lumela seo ke ’Nete? [Khaitseli o re, “E, ke etsa joalo.”—Mohl.] A ke a abe seo.

¹⁸³ Ke bona ntho e le ’ngoe, o jeoa ke ntho e kang disaenase holimō *mona* hloohong ea hae. E nepahetse. E joalo na? Phahamisa letsoho la hao haeba ho le joalo. Empa disaenase li ke ke tsa u thimolisa tsa etsa hore u itšoare joalo, u boetse, u tšoeroe ke feberu ea hay. Ke hantle. Ha u tsoe Phoenix. U tsoa moo—moo ho leng maralla a mangata, lifate. U tsoa Flagstaff. Ke hantle. U a lumela Molimo a ka mpolella na u mang? [Khaitseli o re, “E.”—Mohl.] U Mof. Earl. Yaa. [“Hantle.”] Ke hantle, ha se eona? Joale tloha, u ntse u lumela, e tla feta.

¹⁸⁴ Joale na Ke oa maobane, kajeno, le kamehla? [Phutheho e re, “Amen.”—Mohl.] Joale, Ntate oa Leholimō o ntseba ke sa tsoa bona mosali eo. Ho bona Lentsoe le netefatsoa. Joale, ha se ’na, ke motho feela. Joaloka maekrofono ona feela, o thotse ha ke sa bue ka ona, kapa motho e mong. ’Me le motho ke semumu feela. Empa ke Moea, ’me Moea oo o hantle mono har’ a lōna. Le a bona? Ke mofolisi, e seng ’na.

¹⁸⁵ U phela joang, monghali? Monna e mong e leng motho oa molata ho ’na. Ha ke tsebe monna eo. Joale, ho latela tsebo ea ka, ha ke e-so ’mone bophelong ba ka.

¹⁸⁶ Empa joale Moea, e leng Moea o Halalelang, Moea o Halalelang le Jesu Kreste ke Moea o le mong o tšoanang. Motlotsuo, Jesu, Motho, e ne le Mora oa Molimo, empa Moea o Halalelang o nong o lutse holim'a Hae e ne e le Molimo. “Ntate

o ahile ka ho 'Na." Le a bona, Ke Moea o Halalelang, ka baka leo e sa ntse e le Molimo.

¹⁸⁷ Joale holane feela nka iphumana, monna eo a ka iphumanelā, a itlosa tseleng, ke moo karolo eo e shoeleng, le ho tlohela Moea oa Bophelo ho ea sebetsa. Le a bona? Lebaka leo ke emang motsotso feela, ho bona se etsahalang ho fihlela tlolo e qala.

¹⁸⁸ Haeba Morena Molimo, eo re leng Pontšeng ea Hae, a ka ntšenolela, monghali, bothata ba hao, kapa seo u se entseng, kapa—kapa ntho e amanang le uena, ntho e itseng feela. Hoba, ha re eketsa ho bua, e tloha ho feta. Empa, le a bona, ba bang ba eme moleng. Empa ha A ka mpolella bothata ba hao feela, u tla lumela hobane ke mohlanka oa Hae, le ho lumela hobane O teng? [Moena o re, "E."—Mohl.] Mothapo o khaohileng. Ho lōkile na? ["Ehlile ke eona. E."] Hantle.

¹⁸⁹ Joale u re, "Taba eo e entsoe joang?" Ekare nka be ke tsebile. E ke ke ea hhalosoa ke mang. Ke mohlolahali. Le a bona?

¹⁹⁰ Mona, hore le tle le tsebe, ke bone se seng sesele, hlahlolo; le bothata ba pelō, hape. Phahamisa letsoho la hao. Mongh. Anderson, u ka ea hae joale, Jesu Kreste o tla u phelisa. Ke hantle. Lumela feela, e ba le tumelo. Se belaele.

¹⁹¹ U phela joang, monghali? Ha re tsebane. Ha ke u tsebe. Ho ea ka tsebo ea ka, ke khetlo la pele ke u bona le ka mohla, ho 'na ho u tseba. Ke hantle. Empa eéna O re tseba, bobeli ba rōna.

¹⁹² Na u tseba morero oa ketsahalo ena? E lumelloa ke mohau oa Oona, batho bana ba tle ba huleloe ho lemoha boteng ba Molimo. Joale, ha ke tsebe letho ka uena, esita le ho u tseba ka mokhoa ofe, ke monna osele feela ea ttileng mona. Joale ekaba mohlolahali o iphotlileng ha ntho e ka etsahala, ho—ho tseba bothata ba hao, kapa seo u se entseng, kapa seo u neng u sa tlameha ho se etsa, kapa seo u neng u tlameha u be u se entse, kapa hore u mang kapa se sang ka uena. E tla tlameha ho ba mohlolahali, hoba ho se mokhoa ho motho ho tseba seo, haese tšenolo ea mofuta ea ntho e sa bonoeng. Ke hantle. Joale ha A ka u etsetsa seo, lipakeng tsa ka le uena, e le hore mokhupi... e seng boipontši, empa hore ba bone e—e Efese e leng teng mona, ntho eo e ahang marogo lipakeng tsa mokha oa bolumeli le Lefatše la Khanya. O e tšepisitse, ba tle ba kholoe hobane seo re se bolelang ke 'Nete.

¹⁹³ Joale ho u tseba, u a ntseba ha ke khone. Seo, phahamisa letsoho la hao batho ba bone hobane u... 'Na, ha ke e-so bone monna eo bophelong ba ka. Ke monna ea emeng mona feela. Botsang mang feela oa ba bang. Empa u khaohile mothapo. U boetse u jeo a ke di-hemorrhoid. Ke hantle. U tsoa hole, ho fihla mona. Ha u le Moamerika. U Mok'hanada. U tlie le mora ea lemetseng kelello. Ke 'nete. U batla ke u bolelle moo u tsoang teng? U tsoa porofensing ea Saskatchewan, Saskatoon ke motse. Lumela ka pelō eohle ea hao, 'me Molimo o tla u khutlisetsa

lapeng u phetse, le mora oa hao, haeba u lumela. U a e lumela na? Molimo a u hlohonolofatše.

¹⁹⁴ Na le a lumela? [Phutheho e re, "Amen."—Mohl.] Morena Molimo esale Molimo. Le a bona? Ha ho e mong kantle ho Oona.

¹⁹⁵ U phela joang? Leleiti ke lena, osele ho 'na, o batla a hola holile. Ha ke e-so 'mone; empa ke e—ke mosali ea emeng mona feela. Ke tla tlameha ho potlaka, hoba ke saletsoe ke metsoto e supileng kapa e robeli joale, le a bona. Sheba mona feela. Na u a lumela lintho tsena tsohle li lōkile? Ka pelō eohle ea hao? U tseba e se ntho e ka etsoang ho 'na ho tseba bothata ba hao, kapa letho ka uena. Empa ha se taba e ka sitang Molimo ho tseba, hobane O tsebile le pele lefatše le e-ba teng. Na ha e joalo? [Khaitseli eo o re, "Ke hantle."—Mohl.]

¹⁹⁶ Ba lumela seo e le 'nete ba bakae? [Phutheho e re, "Amen."—Mohl.] Ehlile. O tsebile nako le nako ha u tabanya leihlo la hao. Ke mohlokapehetso. 'Me le nahane feela; ka mohau oa Oona O hlahisitse, ka Evangelia ea Hae, sona seo A tsepisitseng ho se etsa. Etlabia Leholidō le teng, 'me re ea ho lona. 'Me hona joale re ho Efese ena. Re ka ho sena, ho tsoa ho e 'ngoe, ho kena ho e 'ngoe.

¹⁹⁷ U na le mathata a mang ho uena, litšita, lintho tse ngata hakaale tse phosso. 'Me ha u tsoe mona. U tsoa bophirima ho mona. U tsoa California. Ke hantle. U boetse u na le mora ea mahlomoleng. Ke hantle. Uena... Ntho e 'ngoe e teng, ha ke phetse ho bona metsi kapa letša le leholo. Oh, ke, u na le—u na le motho ea haufi le uena, ea phelang Chicago, ea ntsebang. Ke hantle. Ke 'nete. Joale, u a tseba hore ha ke u tsebe, empa na u lumela Molimo u a tseba hore u mang? Mof. McGuire. U fuoe kōpo ea hao. Khutlela lapeng o ntse o leboha Molimo.

U phelang joang? U motho ea mocha haholo.

¹⁹⁸ Empa maloetse le mafu ha a shebe tšobotsi ea motho. Ba tsebang seo ba bakae? [Phutheho e re, "Amen."—Mohl.] Re a a tseba a sa hlomphe tšobotsi ea motho.

¹⁹⁹ "Ha u ka lumela ka pelō eohle ea hao le ka soule ea hao eohle!" Asma eo e tla u lesa ha u ka e lumela ka pelō eohle ea hao.

²⁰⁰ Bothata ba sefuba, na u lumela bo tla u lesa, le uena, khaitsei, 'me u tla phekoloa? U amile mang? O maoto a mashome a mabeli ho tloha ho 'na, kapa ho feta. O amile Motlotlehi. Ke tšubuhllano, ea linerefe. U tla itōkela.

²⁰¹ Mosali enoa o emetse ntho e tlotehileng mona. Ke molata ea totobetseng. Ha ke e-so bone mosali. Empa mona o tlisitsoe ke motho. 'Me se mo tlisang mona, ke hobane a utloile teipi eo ke e entseng. 'Me o mona ho batla kolobetso ea Moea o Halalelang. Ke morero oa hae hantle mona. Ke 'nete, leleiti le lecha. Ke hantle. Tloo koano.

²⁰² Molimo o ratehang, e re ngoana enoa ea emeng mona, ea khaotseng lefifi ho kena Leseling, a amohele Moea o Halalelang; ho khutlela lapeng la'bo le ho baratuoa ba hae, ho ba bontša lintho tse khōlō tseo Jesu a mo etselitseng tsona. Amen.

Molimo a u hlohonolofatse. U se ke oa belaela. Lumela.

²⁰³ Molimo o ka folisa linerefe tsa mefuta eohle le (na u lumela seo?) maemo a asma, le ho u phelisa. Na u lumela seo? U ka tloha, lumela ka pelō eohle ea hao. Molimo a u hlohonolofatse, moena.

²⁰⁴ Lilemo tsa hao li kae? [Khaitseli o re, "Mashotharō-robeli."—Mohl.] U tlameha ho tsoa linerefeng tseo pele nako e tlola, ha ke re? U hlaseloa ke mekhathala ea mefuta eohle, le sohle se u hlahelang. Empa se u tlohetse joale. E, monghali.

²⁰⁵ Molimo o folisa linerefe, bothata ba mala, le bona. Na u lumela seo? Tloha ke hona u je seo u se lakatsang. Jesu Kreste o u folisitse.

²⁰⁶ Na le a lumela kantle mane, e mong le e mong oa lōna? [Phutheho e re, "Amen."—Mohl.]

²⁰⁷ Monna o lutse ka e-e hempe, o ncibile, yaa, o ile a sheba hempe ea hae lekhatheng leo. Yaa. Na u lumela Molimo a ka folisa bothata ba pululana, a ka u phelisa? U ne u lumela lekhatheng leo (ana u ne u se joalo?), ka eona nako eo moshanyana enoa a neng a phekoloa maemo ao a asma. E-ea hae, ratu, u tla iphelela, le uena, u a bona. Lumela ka pelō eohle ea hao.

²⁰⁸ Leleiti le lutseng haufi le mohatsa'o mono, na u ka lumela hore mahlo a hao a tla fola, le oona? U a lumela Molimo o tla folisa bothata boo ba leihlo? Phahamisa letsoho la hao haeba e le sona seo u neng u se rapella. Le a bona?

Ba amme eng? Jesu Kreste Mora oa Molimo.

²⁰⁹ U a lumela na? U a lumela na, mohlankana? Molimo o ka folisa maemo ao a mali, ho a lōkisa, (na u tla lumela seo?) ho tlosa nyee eo ea daebetisi eo le ho u phekola. Na u lumela seo? Tloha u 'Molelle u a e lumela, 'me u ikele.

²¹⁰ Tloo, monghali. U na le bothata ba mala. U a lumela Molimo a ka bo folisa, ho e phekola? [Moena eo o re, "E, ke etsa joalo."—Mohl.] Tloha, e lumele; u tla phekoloa, ho phelisoa.

²¹¹ Tloo, tlisa moshanyana enoa. Sheba mona, mora. Ho tsoa hole haholo. Ka linako tse ling liphethoho tsa libaka tse liphahameng, liphethoho tsa tlalaemete, li tla etsa joalo, ho folisa maemo a asma. Empa pholiso e tiileng e 'ngoe, Jesu Kreste Mora oa Molimo. O nehelane ka Mora oa Oona, hore ba lōna ba folisoe. Na u lumela seo? Lumela ka pelō eohle ea hao, 'me e tla mo lesa. O tla boela setloaeling, e be monna ea phetseng. Molimo a u hlohonolofatse, khaitseli.

²¹² Na le a lumela? Na Molimo o sa hlakisa mehlohlolo? [Phutheho e re, “Amen.”—Mohl.] Ntho e ke keng ea hlalosoa, e sa kheme le mabaka, lintho tseo batho ba ke keng ba utloisia kamoo li hlhang, empa esale ’nete, ha se eona? [“Amen.”] Joale ba bakae ba utloang, le ho tseba sepereteng sa lōna, Ntho e tlameha e be e le teng mona e sitang kutlosiso ea motho?

²¹³ Joale, ke kholoa re bitsitse bonnyane batho ba pele ba leshome le metso e mehlano moleng oo, e mong le e mong oa bona; le ba bane kapa ba bahlano, ba tšeletseng, kantle mane moleng, ba sa tšoara litlankana tsa thapelo, kapa e ka bang eng seo ba neng ba le sona moleng kantle mane, kantle letšoeleng mono. Empa hona joale re saletsoe ke motsotso oa nako feela, ho koala.

²¹⁴ Na O e entse hantle feela kamoo O boletseng O tla e etsa? [Phutheho e re, “Amen.”—Mohl.] Joale ba bakae ba lumelang hobane Ke oa maobane, kajeno, le kamehla, ho utloa Sefahleho sa Oona? [“Amen.”] Joale le bone Sefahleho sa Oona. Joale mahlo a lōna a bone, litsebe tsa lōna li utloisisitse, ’me Molimo o thasiselitse, pel’ a mahlo a lōna, Sefahleho sa Oona. ’Me seo le se utloang ka linako tsohle, se u ahlolang ha u fositse, le ho u bolella ho se etse seo, oona Molimo oo o bonahetse ho lōna thapama ena, ka mesebetsi ea Oona. Ba bakae ba reng “amen” tabeng eo? [“Amen.”] Ehlide, ke eona. Joale O teng mona.

²¹⁵ Na o teng lipakeng tsa rōna mona, e-so be Mokreste; a e-so ipolele le letho, ha u e-so kene kereke le ka mohla feela? Na u ka ema, le ho re, “Ke batla ho ema, e seng ho uena, moreri; empa ke batla ho ema ke sa le ka pel’ a Sefahleho sa Motho enoa, Jesu Kreste, E leng Moea o Halalelang holim’ a rōna joale. Ke batla ho ema le ho re, ‘Ke batla U mpholose libeng tsa ka’”? Ke phetho seo ke batlang le se etse, ho ema feela, ’me boo e tla ba bopaki. Re na le nako ea ho etsa seo feela. Ho re, “Ke batla ho ba Mokreste.” Ema ka maoto a hao, le ho lula fatše hantle.

²¹⁶ Na e mong o teng ka phaposing? Ba bakae ka phaposing? Ke ne ke sa tlameha ke be ke itse, “Na e mong o teng?” hoba ba ka feta bonngoe ka palo. Ba bakae ka moahong hona joale, ’me ho thoe, “Esale ke le phoso, Molimo. Ntšoarele. Ke tla ema ho U pakela haesale ke le phoso. Ke tla lula fatše ke sa le mona ka pel’ a Sefahleho sa Hao. Ke tla lula fatše”? Ema feela.

²¹⁷ Na e mong o teng, ba fetang bonngoe? Letsoho le le leng. Molimo a u hlohonolofatse, mohlankana. Na e mong o teng? Molimo a u hlohonolofatse. Na e mong o teng? Molimo a u hlohonolofatse. Molimo a u hlohonolofatse. Molimo a u hlohonolofatse, moena. Na o teng? Molimo a u hlohonolofatse, morao mono. Na e mong o teng, “Esale ke le phoso. Molimo, ntšoarele”? Molimo a u hlohonolofatse, monghali. “Esale ke le phoso. Ke—ke masoabi, Morena.” Molimo a u hlohonolofatse. Molimo a u hlohonolofatse. Molimo a u hlohonolofatse.

²¹⁸ Motho o teng esale a le khoao ka bosebeletsi bona, 'me joale u kholisehile ke 'nete? Phahama mono, le ho re, "Molimo, ntšoarele." Phahamisa letsoho la hao feela, ho re, "Ke—ke ne ke batla ke le khoao, Moena Branham; e nyametse eohle joale." Phahamisa letsoho la hao. Ha ho le a mong? Ke a le leboha.

²¹⁹ Ba bakae ba lumelang Sena? E ne e ke ke ea e-ba 'na; empa ke Kreste, Mora oa Molimo. Ke a le leboha. Ha ho le joalo le tla bona ho etsoa lintho tse fetisang ena ka boholo, ha le mpa feela le tla lumela. Le tiisetse Kreste feela. Ke tla etsa ka bokhoni ba ka ho lula ho Eéna hantle, ka sebele sa ka.

²²⁰ Joale ba kulang le ba hlokang ba bakae mona, phahamisa letsoho la hao, "Ke a—ke a kula, Moena Branham, ke a hloka"? Bonang, shebang batho feela. Joale na le ka etsa sena le lumela lentsoe la ka hakaale? Ha re behaneng matsoho, ke sa otlollela matsoho a ka nq'a ho lóna.

Ha re rapeleng.

²²¹ Molimo o ratehang, ke U tlisetsa mokhupinyana ona, thapama ena, moo re utloileng 'me re balile Lentsoe la Molimo. Re tseba karoloana eohle e le 'Nete, hobane ke Lentsoe la Hao. Ha re lumele feela joale e le 'nete; re a tseba ke 'nete. Re U bone, Morena, ka ho etsa ntho e tlang ho tsebisa batho hore ho sa le teng... Kathoko ho mohlolohali oa—oa lefatše, le lefau-fau, le melao ea Molimo ea tlhaho, re bona mona moo molao oa lefu o sebetsang 'meleng oa motho, moo saense e hlolehileng ho—ho phekola ka tšibollo ea bona. 'Me, Morena, re lebohela batho bao haholo. Ha re ba nyenyefatse le ho leka. Re ba lebohela haholo. Empa, Morena, ha ba fihla moo ba sa khoneng ho etsa letho hape, joale re bona ho kena letsoho la Hao le leholo; ka ho tseba ho se motho ea ka ba folisang, kahobane e ka ba ngaka, kapa a ka noa sehlare sa mofuta. Empa ho bona Mora oa Molimo a theoha, e leng ea entseng tšepiso, re tle re lumele ho eona bohole.

²²² 'Me motho e mong le e mong o ile a phahamisa letsoho la hae, ea neng a sa bolokeha, 'me—'me o ne a batlile ho bolokeha. Molimo, pelō tsa bona li lemositsoe ke ho hong. Ba bang ba bona ba ipoletse e sa le "ba le phoso," mohlomong ba oeles mohaung 'me ba batlile ho khutla. Ke U rapela ho khutlisa e mong le e mong. Hoba ba tseba, Morena, 'me ba tsebile... Bongata ba bona bo ka tšoha bo ntsebile, kapa ka 'na, lilemo tsena tsohle, le ho tseba ho se letho le molemo ho motho, 'me haholo-holo 'na. Ntho e molemo e ka ba teng joang? Empa koana ba bone Lentsoe leo, leo Molimo a le tšepisitseng, le bonahatsoa. Ba kholisehile hore Ke 'Nete. Ba Le amohetse.

²²³ Ke sitiloe ho tlisa ba bangata kalaneng mona. 'Me, Ntate, ke Uena ea mpakelang, le ka mohla ha ke e-so bolele e le ntho eo nka e etsang, haese ho inehela ho Uena feela, le ho U lumella ho ntlosa tseleng le ho kenya Moea oa Hao ka mono ho sebetsa. Joale, Ntate, ho bona motho e mong a ka etsa seo, e mong a ka

e etsa, ke rapella e mong le e mong oa ba behaneng matsoho, ba kulang le ba mahlomoleng, ba folisoe feelsa nakong ena.

²²⁴ Lumella Moea o Halalelang o moholo a haole moahong hona joale feelsa 'me a phekole e mong le e mong. Pholosa e mong le e mong, Morena. Aba boiphihlelo bo bokaale. Tšollela Moea o Halalelang, Morena, holim'a letšoele lena. Oh, re U shebeletse ho etsa lintho tse khōlō veke ena e tla latela. A ho be joalo feelsa, Morena, hona joale, ka Lebitso la Jesu Kreste.

²²⁵ Joale bohole re eme ka maoto a rōna. Na le lumela ka pelō eohle ea lōna? Joale ke a ipotsa haeba khaitseli ea rōna, piano mane, a ka re fa e—e—e lehlasonyana la sena, “Ke Tla Mo Rorisa. Ke Tla Mo Rorisa.” Le se utloile na? Joale ha re se bineng, ‘moho. Joale re tsepile ho kōpana le lōna hosane mantsiboea. Joale re tla qhalana semolao, nakoaneng feelsa, empa ke batla ho bina sefela sena le lōna. Ke hantle, ha re eeng.

Ke tla Mo rorisa, (ha re phahamiseng matsoho
a rōna) ke tla Mo rorisa,
Rorisang Konyana e hlabetseng baetsalibe;
Mo tlotseng, lōna batho bohole,
Hoba Mali a Hae a tlositse sekoli ka seng.

²²⁶ A re inamiseng lihlooho tsa rōna thapeleng e koalang. Ke hantle, Moena Jewel Rose o tla re qhala. Molimo a u hlohonolofatse, Moena Rose, re sa entse tsa rōna joalo . . .



MOHLOLOHALI SST65-0117
(A Paradox)

Molaetsa wona, ka Moena William Marrion Branham, o rerilwe sethatong ka Senyesemane Sontaha thapama, Pherekhong 17, 1965, bakeng sa Full Gospel Business Men's Fellowship International, mane Westward Ho Hotel, Phoenix, Arizona, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org